

EXHORTATION  
AMIABLE,  
ET

Conseil salutaire pour le  
Païs-Bas.

Monstrant la cause de la presente dissen-  
sion intestine, & le remede qui y  
pourroit estre mis.

*Et principalement est icy auisè, si on doit  
forcer les consciences.*



O, combien delectables sont les pieds du messager, qui  
annonce la Paix, qui presche le bien, & tesmoigne le salut?  
Esa. 52. b. Nahum. 1. b.

Je formeray des leures fructueuses, qui prescheront Paix.  
Paix, tant à ceux qui sont loing, qu'à ceux qui sont près  
dist le Seigneur. Esa. 57. d. Luc. 2. b. Ephes. 2. b.

EXHIBITION

A M T A R

CHURCH OF ST. MARTIN

CHURCH

CHURCH OF ST. MARTIN

CHURCH OF ST. MARTIN

CHURCH OF ST. MARTIN

CHURCH OF ST. MARTIN

CHURCH OF ST. MARTIN

CHURCH

CHURCH

CHURCH

CHURCH OF ST. MARTIN

CHURCH OF ST. MARTIN

CHURCH OF ST. MARTIN

CHURCH OF ST. MARTIN

CHURCH OF ST. MARTIN

CHURCH

EX  
AN



Conne  
soit,  
part  
homme  
chose  
pour  
restit  
il y  
temp  
que  
Seig  
tre  
fore  
à co  
à ta  
me  
ce  
au

# EXHORTATION

AMIALE, ET CON-

seil salutaire pour le


Païs-bas.



OMME en vn feu qui est  
embrasé au danger public, ou  
en vn grand peril de Mer,  
on ne rejette le seruice de per-  
sonne, de quelque petite qualité qu'il  
soit, aussi je pense que tu prendras de bonne  
part, tres-aimé Païs-Bas, si je qui suis  
homme de peu de renommée, te declare les  
choses qui me semblent tres-vtiles & propres  
pour appaiser les troubles & dissensions in-  
testines qui sont aujourd'hui en toy, & (cōme  
il y a apparence) pourront estre encore long  
temps, si de bonne heure on n'y remedië. Non  
que j'ignore que tu aies grande abondance de  
Seigneurs & gentils-hommes tresprudens, &  
tres-bons Conseilliers, desquels chācun s'es-  
force de mettre en auant ce qu'il pense seruir  
à ton bien & profit: mais comme il conuient  
à ta douceur & benignité de donner benigne-  
ment audience à chācun, principalement à  
ceuls qui s'efforcent de profiter au public;  
aussi appartient il à ta prudence de discer-

ner quel cōseil est le meilleur, mētāt plus tost  
les opinions à la balance, que les personnes  
d'oū elles sont procedées. Or combien que je  
ne presume rien de moy, & que je ne me pre-  
fere à personne: toutēfois j'espere & m'asseure  
presque, que si tous tes inhabitans, tant de  
l'une que de l'autre Religion apportent vn  
jugement bien cler, & nō preoccupē d'opinion  
de soupçon, ou autre mauuaise affection, tu  
trouueras que j'ay fidelement touché en ce  
petit traicté les poinctes & articles, lesquels  
estans suivis, sans nulle doubte tu seras si bien  
vni, que seras stable en toy, & redoutable à  
tous tes ennemis. Le te supplie donc tres hum-  
blement, & de la plus grande affection qu'il  
m'est possible, de vouloir bien considerer le  
tout, t'assurant que si tu veuls suivre ce con-  
seil, toutes choses se porteront mieux, &  
on verra de brief vne tres-bonne &  
tres-ferme vnion, & accord en-  
tre tous tes enfans &  
inhabitans.

Qu'vn

  
ment vne pho-  
diuin, soit m-  
depuis quelq-  
esté versé &  
te, d de solé Pais-bas, est ch-  
& te touche de si pres, que  
re, il n'est ja besoing de  
Car comme ainsi soit, que l-  
me de batre de guerre, de  
ne, ou des deus, ou de tou-  
ceus contre lesquels il se d-  
& sens qu'il te frappe pour  
a scauoir de guerre, (je me r-  
qui ne sont pas loing de t-  
d vne guerre si horrible &  
ne scay si depuis que le r-  
combien qu'à peine il ay-  
guerre, il en y eut onques  
sont pas seulement estran-  
royent, cōme bien autre f-  
que par dehors estant aff-  
tu auois par dedens en l'-  
tes enfans quelque soulas-  
pres enfans, qui te veulent  
non pas en s'entrechar-  
ventre, comme se faisoit  
Dieu n'y pouruoit) en  
& estranglāt sans aucun  
les autres à belles espées  
& halebardes, dedens to-



V'vn tonneau (& non seule- La mala-  
 ment vne phiole) du courroux die du  
 diuin, soit maintenant, & ait Pais-bas.  
 depuis quelques années en ça  
 esté versé & espandu sur ra  
 teste, ô desolé Pais-bas, est chose si manifeste,  
 & te touche de si pres, que pour le faire croi-  
 re, il n'est ja besoing de tenir long propos.  
 Car comme ainsi soit, que Dieu ait accoustu-  
 mé de battre de guerre, de peste, ou de fami-  
 ne, ou des deus, ou de tous trois ensemble,  
 ceuls contre lesquels il se courrouce: tu vois  
 & sens qu'il te frappe pour le moins de l'un:  
 a sçauoir de guerre, (je me tai des autres deux,  
 qui ne sont pas loing de tes espauls) voire  
 d'une guerre si horrible & detestable, que je  
 ne sçay si depuis que le monde est monde,  
 combien qu'à peine il aye jamais esté sans  
 guerre, il en y eut onques vne pire. Car ce ne  
 sont pas seulement estrangers qui te guer-  
 roient, cōme bien autre fois a esté faict, lors  
 que par dehors estant affligée, pour le moins  
 tu auois par dedens en l'amour & accord de  
 tes enfans quelque soulas: ains ce sont tes pro-  
 pres enfans, qui te veulent desoler & affliger,  
 non pas en s'entrechamaillant dedens ton  
 ventre, comme se faisoit en Rebecca: mais (si  
 Dieu n'y pouruoit) en se entremeurtrissant  
 & estranglât sans aucune misericorde, les vns  
 les autres à belles espées toutes nuës, pistoles  
 & halebardes, dedens ton giron. Tu entens

bien, ô jadis fleurissant, & maintenant tem-  
pesté Pais-bas, ce que je dy : tu sens bien les  
coups & playes que tu reçois, ce pendant que  
tes enfans se preparent pour s'entretuer si  
cruellemét : tu vois bien que tes villes & vil-  
lages, voire tes chemins & champs, seront de  
brief (si tu ne t'amèdes & deuiens plus sage)  
couuers de corps mors : tes riuieres en rou-  
giron, & l'air en sera puant & infect. Brief,  
en toy n'y aura paix, n'y repos jour ny nuict :  
& n'y oirra on que plaintes, & ce hélas de  
toutes pars, sans y pouuoir trouuer lieu qui  
soit seur & sans frayeur & meurtre, crainte  
& espouementement. Voila ton mal, ô Pais-bas,  
voila la maladie qui sans respit ny relasche,  
jour & nuict te tourmètera, jusques à ce que  
tes enfans seront tous ensemble estroictemét  
vnis, & entièrement d'accord pour enchasser  
Don Iehan d'Austrice, avec ses adherens, tes  
ennemis mortels & perpetuels.

Secher  
remede.

Maintenant faut regarder, s'il y a au mōde  
conseil & remede pour te guarir : à laquelle  
chose de ma part, j'ay maintefois pensé, &  
long temps esté en doubte, si je m'y deuioie  
employer : voyant la difficulté qui à moy se  
présentoit, non pas quant à donner conseil  
bon & certain (car cela, Dieu mercy, si je ne  
m'abuse bien lourdement, m'est assés facile)  
mais quant à le persuader à ceus, sans le con-  
sentement desquels, je ne voy pas comment  
il se puisse executer : Et de saict, je me fusse  
pour

pour  
n'eul  
granc  
empi  
se ha  
uoir.  
Car  
voue  
ne p  
ticul  
chac  
faut  
piec  
estre  
estre  
n'a  
qu'  
te c  
lou  
s'il  
ho  
ue  
de  
ch  
y a  
reg  
riff  
ce  
pu  
m  
be

pour le present deporté de ceste entreprise, n'eust esté la grandeur de ton mal, qui est si grand, & qui va de jour en jour tellement empirant, que mieux vaut à toutes auentures se hazarder, & pour le moins faire mon deuoir, que de te veoir perir si miserablement: Car qui sçait si le Seigneur par ce moyen te voudroit secourir? ou si generalement cecy ne profite, il pourra seruir à quelqu'un en particulier. Quand c'est qu'une maison brulle, chacun y court: que si, on ne la peut toute sauuer, pour le moins on en retire quelque piece, qui vaut mieux que rien. Ainsi en peut estre de cecy: si chacun ne s'amende, peut estre que quelqu'un s'amendera, & en cela je n'auray pas du tout perdu ma peine. Quoy qu'il en soit, je me veux mettre en deuoir de te donner conseil: Dieu face que ce soit à sa louange, & à ton profit. Car je sçay bien, que s'il n'y met la main, c'est à moy & à tout homme peine perduë. Dõques pour te trouuer remede, il faut faire comme les bons medecins, que pour guerir vne maladie, cherchent tous jours son origine, ou la cause: puis y appliquent remedes contraires, suiuians la regle generale, qui est que les maladies se guerissent par leur contraire. Semblablement en cecy faut auiser, qui est la cause de ta maladie, puis y appliquer remedes contraires: autrement tout ce qu'on y fera, ne seront que beaux emplastres, qui couurans la playe par



8 EXHORTATION  
dehors, par dedens la nourriront plustost,  
qu'ils ne la guariront.

La cause  
de la ma-  
ladie.

Le trouue que la principale & efficiente  
cause de ta maladie, c'est à dire, de la sedition  
& imminente guerre intestine, qui te me-  
nace, est *forcement de consciences* : & pense que  
si tu y penses bien, tu trouueras asseurement  
qu'il est ainsi. Car pourtant qu'on a long  
temps forcé & voulu forcer les consciences  
de ceux de la Religion reformée, (que j'ap-  
pelleray cy apres Protestans ou Euangeli-  
ques, à cause qu'ils protestent vouloir viure,  
suivant la Religion reformée selon l'Euan-  
gile) il est notoire à chacun ce qu'ils ont faict  
non seulement en Allemagne & France, mais  
aussy en Hollande & Zelande : & que de-  
puis peu de temps en ça, ils ont pardeça pre-  
senté diuerses requestes à Monseigneur l'Ar-  
chiduc d'Austrice Matthias, & à Messeigneurs  
du Conseil d'Estat, supplians tres-humble-  
ment que le libre exercice de leur religion  
leur fut permis.

Faulx re-  
medes.

Or le remede que tes enfans, ô Pais-bas,  
cherchent, c'est premierement de se tour-  
menter, piller, guerroyer, tuer, meurtrir les  
vns les autres : & qui pis est, d'aller querir des  
nations estrangeres, argent & gens, affin de  
mieux resister, ou (pour mieux dire) affin de  
mieulx se vanger de leurs freres. Seconde-  
ment, de forcer les consciences les vns des  
autres.

Voila

pot  
que  
me  
Ca  
me  
me  
mi  
en  
pa  
pa  
te  
p  
fi  
t  
p  
p



Voila les remedes que tes enfans , & pour Pais-bas , cherchent à ta maladie : lesquels tant s'en faut , que ce soyent vrais remedes, que c'est justement tout au contraire. Car ce sont les droicts moyens pour entiere-ment te gaster & destruire , tant corporellement que spirituellement. Car quant au premier , on sçait bien que gens estrangers , qui en vne telle sedition donnent secours à l'une partie ou à l'autre , ne sont communement pas tant charitables , qu'ils n'ayent si non du tout , pour le moins en partie , esgard à leur profit autant ou plus qu'à celuy d'autrui : & si l'occasion se presente , il advient bien souvent qu'ils disent : Ceste partie sera bonne pour nous . Que si aujourd'huy cela t'aduenoit, ô Pais-bas, (& de faict, le monde n'est pas si tref-bon, qu'on n'ait cause de s'en douter) te voila le plus deschiré & demembré qui fut onques. Car comme ainsi soit, que de diuerses pars, diuers secours te viennent, si d'auenture chascun venoit à en tirer à soy , je te laisse penser en quel estat tu serois . Ce n'est pas dés aujourd'huy que tels tours se jouent, & que secours estranges en tels desaccors ont esté plus nuisans que profitables . Et de cela pourroit on reciter plusieurs exemples: mais pour le present je me contenteray de deux, dont l'un sera estrange & loingtain , & l'autre, de chés tes voisins. Le premier est du different, qui fut jadis en Iudée, entre deux freres,

Hyrcan & Aristobule touchant le regne de Iudée, enuiron septante ans deuât la natiuité de nostre Sauueur Iesus Christ. En ce differēt Pompée capitaine des Romains, qui pour lors estoit en ces contrées, estant par eux appellé en aide, les secourut tellement, qu'il assubjettit la Iudée aux Romains, & la fit tributaire : laquelle subjection & seruage a depuis duré jusques aujourdhui. Le second exemple, qui est de tes voisins, est de ceux d'Auvergne, & de ceux d'Autun, lesquels au temps de Iule Cesar, estans les principaux des deux bandes, esquelles estoit diuisée toute la Gaule, & ayans entre eux different, qui seroit le maistre, les Auvergnacs & les Bourguignons allerent demander secours aux Allemans contre ceux d'Autun : lequel secours les Allemans leur donnerēt de sorte, qu'ils assubjettirent & traicterent miserablement, & les vns & les autres, jusques à tant que Iule Cesar les deliura, voirement tous deux de la subjection des Allemans, ayant vaincu Ariouist le Roy des Allemans : mais ce fut en telle sorte, que finalement & eux & les autres Gaulois furent assubiectis aux Romains. Voila que bien souuent vn secours estrange, fait en dissension de ceux d'un païs. Ces exemples sont assés suffisans pour te faire craindre, ô Païs-bas, le cas semblable. Que si on me replique, qu'aussi se trouue il des exemples contraires, par lesquels peut estre mon-

monstré, que tels secours estranges ont quelque fois profité: je respons qu'il est bien vray, mais le mal aduient communement plustost que le bien: & le monde est pour le present tant corrompu, qu'on a maintenât plus d'occasion de craindre le mal, qu'o n'eust jamais. Mais posons le cas qu'il n'y ait en cest endroit danger aucun, & que ceux qu'on appelle en aide, soyent si tres-gens de bien & loyaux, qu'ils n'ayent aucunement esgard à leur profit ou interest: je dy que cependant il s'espan dra tant de sang (car certes sans sang telle guerre ne se peut faire) que la perte en sera irreparable. Tellement que le remede humain, que cherchent tes enfans à ta maladie, n'est non plus propre pour guarir, que si pour guarir vn corps malade, on faisoit en toutes sortes tous efforts pour lui couper tous les membres. Et puis quant au remede spirituel, qui est de forcer les consciences les vns des autres, je ne me puis assés esbahir (& faut icy, que je parle franchement) de la déraison, & aueuglissement tant des vns que des autres. Et affin de mieux me faire entendre, je veux vn peu ouuertement parler aux deux parties. Il y a aujourd'hui, au Pais-bas, deux sortes de gens, qui pour la Religion veulent faire la guerre les vns aux autres. Dont les premiers sont par leurs aduersaires appellés Papistes, & les autres Gueus: & eux s'appellent, les Gueus Euangeliques ou Protestans;

& les

& les Papistes, Catholiques: je les appelleray donc comme eux mesmes s'appellent, afin de ne les offencer.

Aux Catholiques.

Et premierement pour parler à vous, O Catholiques, qui vous dictes auoir l'ancienne, vraye & Catholique foy & Religion, considérés vn peu de pres vostre affaire: il en est temps, & plus que temps. Souuienne vous, comment vous auez par cy-deuant traitté les Euangeliques: vous sçauiez biē q̄ vous les auez pourluiués, emprisonnés, crottonnés, & fait pourrir en boubier, en tenebres hideuses & ombre de mort, & finablement rostis to<sup>r</sup> vifs à petit feu, afin de les faire lāguir plus lōg tēps. Et pour quel crime? pource qu'ils ne vouloiēt pas croire au Pape, ou au Purgatoire, & telles autres choses: lesquelles tāt s'en faut quelles soyent fondées en l'escriture, que mesmes les noms ne s'y trouuent en lieu du monde. Ne voila pas vne belle & juste cause de brusler les gēs tous vifs? vous vous appelez Catholiques, & faićtes professiō de maintenir la foy Catholique, cōtenuē es sainćtes Escritures, & ce-pendant tenés pour heretiques & bruslés tous vifs, ceux qui ne veulent croire, q̄ ce qui est cōtenu es mesmes sainćtes Escritures. Arrestés vous vn peu icy, & pesés cecy à bō es-cient. C'est vn poinćt qui vous est de grande importance. Dictes moy, & respondés icy: car aussi biē faudra il ribon ribaine, que vous en respondies vn jour deuāt le iuste iuge, duquel

quel vous portés le nom: respōdés, di-je, à vn poinct qui sans nulle doubte vous sera demandé au jour du jugement. Voudries vous qu'ō vous fist ainsi? voudries vous q l'on vous persecutast, emprisonnast, crottōnast, fist manger aux pous & pusses, & pourrir en boubrier, en tenebres hideuses & ombre de mort, & finalement qu'on vous rostist tout vifs à petit feu, pour n'auoir creu ou cōfessé quelq chose cōtre vostre cōscience? Que respōdés vous? Mais qu'est il besoing de respōce? on sçait biē que vostre cōscience dit q non, voire si viuemēt, q le plus hardi de vous ne l'oseroit nier. Or cōsiderés bien ce poinct. Si desia en ceste vie pleine d'ignorāce, & affectiōs charnelles, qui biē souuēt auēuglissent l'entendēmēt des hōmes, neantmoins ceste verité a tant d'efficace, qu'elle vous cōtraint veuilles ou non, de cōfesser q vous auez faict à autrui chose que vous ne voudries, qui vous fust faite: que sera-ce au jour du jugemēt, la ou toutes choses serōt clairement & viuemēt descouuertes & mises au jour? & ne sçaués vous pas, que les consciēces accuserōt ou excuserōt chācun au jour du iuste jugement? Et sçauēz vous si le tort est petit que vous auez faict à vos freres? Il est bien si petit, qu'ils ont mieux aimé endurer tous les maux, que vostre cruauté (il faut qu'ainsi à la verité je la nomme) a sçeu inuenter, que de faire (comme vous le requeries) chose contre leur conscience.

qu'

qui est vn signe que forcer la conscience d'un homme, est pis que luy oster cruellement la vie: puis qu'un homme craignant Dieu, ayme mieux se laisser oster cruellement la vie, que de laisser forcer sa consciēce, & venons à l'expérience, & je vous prédray vous mesmes pour tesmoins. Il s'est trouué, & se trouue aucuns des Euangeliques, qui vous veulent contraindre d'aller à leurs sermons: je vous demande, comment vous plaist ceste violēce? Elle vous desplait sans nulle doubte, & dictes qu'on vous faict grand tort, & toutefois pour ouyr vn sermon, vostre conscience ne peut estre tant blecée, que celle d'un Euangelique à ouir Messie. Aprenés de vos propres consciences, à ne forcer celles d'autrui: & si vous ne poués endurer vn moindre tort, n'en faites pas à autrui vn plus grand: & cognoissés que le mal qui maintenant vous presse, est vn iuste courroux & jugement de Dieu sur vous, qui vous rend la pareille, & vous mesure de la mesme mesure de laquelle vous aués mesuré; selon que dict l'Escripture: Qui meine en captiuité, s'en va en captiuité. qui de glaue tue, de glaue faut qu'il soit tué. Item: Tu es iuste, Seigneur, de ce que tu as ainsi voulu faire, que puis qu'ils espandoient le sang des Saints & des Prophetes, tu leur as baillé à boire du sang, comme ils en sont dignes. Car certes vous auez martyrisé & meurtri maint saint personnage, dont le Seigneur maintenant com-

mence

Apoc. 13.

Apoc. 6.



mence à vous en recompenser, que si vous ne  
 vous amendés, n'attendés pas qu'il retire sa  
 main estendue pour frapper. Or comment est  
 ce que vous vous amendés? c'est à faire pis  
 que deuant, c'est asçauoir à estre resolu de  
 persecuter les Euangeliques plus que jamais,  
 aussy tost que Don Iehan & ses adherés vous  
 en auront donné le moyen. Ce qu'esperés  
 qu'il fera de brief. Est-ce le moien d'appaiser  
 Dieu? n'est-ce pas tout au rebours, le droict  
 moyen de l'agacer d'auantage? Car s'il est  
 courroucé contre vous pour vos cruautés du  
 temps passé (comme de vray il est, & vous  
 estes bien aueugles, si vous ne le voyés) n'at-  
 tendés pas de l'appaiser en perseuerant en la  
 mesme cruauté. Car vous faictes tout ainsi  
 comme si vn homme auoit gaigné la goutte  
 à trop boire, & q̄ pour le guerir, il poursuiuiſt  
 de boire d'auantage: ou si vn enfant estoit  
 battu de son pere, pour auoir battu son frere;  
 & que pour appaiser son pere, il poursuiuiſt à  
 battre son frere d'auantage.

Je vien maintenant à vous Euangeliques:  
 Vous auez autres-fois patiemment souffert  
 persecution pour l'Euangile: vous auez aymé  
 vos ennemis, & rendu bien pour mal, & be-  
 nit ceux qui vous maudissoient, sans leur faire  
 autre resistance, que de vous enfuir, s'il estoit  
 besoing: & tout cela faictes vous selon le  
 commandement du Seigneur. D'ou vient  
 maintenât vn si grand changement en aucuns  
 de vous?

Aux Euau-  
 geliques.



de vous? les innocens ne s'offenseront point de mon dire: je ne parle pas à tous, je parle à ceux qui sont tels, & leur dy ainsi: le Seigneur a il changé de commandement, & auez vous nouvelle reuelation, que vous deuies faire tout au contraire que parauant? vous auies bien commencé en esprit, comment venés vous à acheuer en chair? celui qui autrefois vous auoit cōmandé d'endurer, & rendre bien pour mal, & auquel pour lors en endurent & rendant bien pour mal, vous obeissiés; vous a il maintenant commandé de rendre mal pour mal, & au lieu d'endurer persecution, la faire aux autres? où auez vous tourné le dos à son commandement, & voulés desormais secoüer son joug de dessus vostre col, & viure à vostre fantasie, en ensuiuant le monde & vos cerueaux & ennemis? Car que peut on penser autre chose quand vous employés sac & bagues, voire le bien des povres, en halebardes & hacquebutes, & tués & massacrés & mettés à la pointe de l'espée vos ennemis, & remplissés & souillés les chemins & rues, voire les maisons & temples, du sang de ceux pour lesquels Christ est aussy bien mort comme pour vous, & qui sont baptizés en son nom cōme vous? Que diray-je plus: vous semblés les vouloir contraindre à se trouuer en vos sermons, voire qui pis est, aucuns à prendre les armes contre leurs propres freres & ceux de leur Religion

contre

contre leur conscience? & outre-plus examinés les gens sur vostre doctrine: & ne vous contentés pas qu'on accorde aux principaux poincts de la Religion, lesquels sont clers & euidens en la sainte Escriture: mais s'ils ne font en tous poincts d'accord avec vous, vous les tenez pour infideles: Ne deuriez vous point auoir honte, & faire consciéce d'estre si indiscrets & inhumains, qu'apres auoir obtenu par la pacification de Gand, qu'on ne tyrannize plus voz consciences, voulussiez forcer & tyranniser les consciences des Catholiques? Voila donques les trois remedes dont vous vsés, à sçauoir espandre sang, forcer consciences, & condamner & tenir pour infideles qui ne seront dui tout d'accord avec vostre doctrine. Je m'esbahi ou est vostre entendement: & si vous ne voyés pas que vous ensuiuez en ces trois poincts vos ennemis, & celuy q̄ coustumierement vous appelez Antechrist. Entens bien, que c'est qu'aucuns de vous ont accoustumé de respondre: c'est que vous auez droict, & eux tort: & que pour cela il vous est bien loisible des les persecuter & forcer, mais à eux n'est pas loisible de vous le faire. Qui est autant comme si vous disies qu'il vous est bien loisible de raur le bien d'autrui, mais non aux autres de raur le vostre: Mais embelissez vostre cause deuant les hommes tant que vous voudrez, & cherchez tant de belles distinctions que vous pourrez:

on fçait bien, & j'en prens à tesmoins vos propres consciences, que vous faictes à autrui chose q̃ vous ne voudriez qui vous fust faite. Car si vous esties Papistes, comme vous les appelez, & comme la plus part de vous l'ont autrefois esté, vous ne voudriez point que l'on vous fist comme vous leurs faictes. Que si aujourd'hui estans encoré en doute qui aura du meilleur, voire estans encoré aucunement persecutez, vous usés neantmoins de telle rigueur & violence: il est à craindre, que si vous venez au dessus de vos attentes, vous userez d'une tyrannie aussi grande que vos ennemis ont usé. Vous usez puis du quatriesme remede pour appaiser l'ire de Dieu, à sçauoir de prieres & jeunes: lequel remede seroit biẽ bõ & vray, si les maus que j'ay dit n'eschoiẽt son operatiõ. Mais là ou il y a cruauté & deraison, jeunes & prieres ne sont point agreables à Dieu. cẽ q̃ bien

Prou. 28. monstre Salomon, quãd il dit: Qui retire son oreille d'ouïr la loy, sa priere meisme est abominable. Et Esaie encoré plus clairement, quãd il dit, que Dieu parle ainsi à son peuple:

Esaie 1. Qu'ay-je affaire de tant de vos sacrifices? dict le Seigneur: Je suis saoul des brulages de vos moutons, & de la graisse des bestes engraisfées; & ne prens nul plaisir au sang des veaux, des agneaux, & des boucs. Quãd vous venez comparoistre deuant moy, qui vous demãde cela, que vous treppiez mes paruis? Ne fairez plus

plus o  
ment  
Lunes  
telles  
crur  
tez: e  
& qu  
che n  
beau  
puis  
lauer  
vos  
mal  
ceur  
orfe  
am  
pec  
dro  
sy  
lail  
les  
&  
l'e  
C  
lo  
dr  
te  
di  
-v  
v  
n

plus offrandes, qui rien ne seruent: l'encensement m'est vne chose vilaine: nouvelles Lunes, Sabbats, faire assemblées, vacations, telles choses de neant, ne puis je souffrir. Mon cœur hait vos nouvelles Lunes & solennitez: elles me poisent, je suis las de les porter, & quand vous esleuez les mains, je vous cache mes yeux: & combien que vous faciés beaucoup des prieres, je n'escoute point, puis que vous auez les mains pleines de sang: lauez vous, nettoyez vous, ostez le mal de vos œuures de deuant mes yeux, cessez de mal faire: addonnez vous à raison: defendez ceux, ausquels on fait tort: faictes droict aux orfelins: menez la cause des vesues. Or sus amendons nous. Le Seigneur dict: Si vos pechez estoient comme escarlate, ils deviendront blancs comme neige: s'ils estoient ausfy rouge, que cramoisi, ils seront comme laine. Si vous voulez obeïr, vous mangerez les biens de la terre: mais si vous ne voulez, & que soyez rebelles, vous passerez au fil de l'espée: car la bouche du Seigneur parle: Comment est deuenue si paillarda la ville loyalle, qu'au lieu qu'elle estoit pleine de droicture, & que iustice y estoit logée, maintenant il y a des meurtriers? Voila la parole du Seigneur, ô Euangeliques, par laquelle vous pouuez bien entendre, que si vous ne vous amendez, vous auez beau prier & jeuner: le Seigneur vous cache ses yeux.

Car de vray vous ne pouuez nier que vous n'aiez les mains pleines de sang: laquelle chose est si tres-vraye, qu'il y eust vn de vos prescheurs, lequel estant d'un esprit debonnaire & Chrestien, & voyant quelques vns de ses auditeurs qui auoyent desrobbe, pillé, & mal traicté quelques Ecclesiastiques, & autres Catholiques, vint à dire: Vous vous courroucez & combattez contre des idolatres, comme ennemis de Dieu: & pensez vous que Dieu qui hait les idolatres, ayme les voleurs, brigans, larrons & meurtriers? Que si vous me dictes, qu'il est vray que vous auez (au moins par volonté & souhait) les mains pleines de sang, mais que vous le desirez esandre justement, & selon le vouloir de Dieu: je vous respon, que quād biē ainsi seroit, (ce que toutesfois je n'aduouë pas) encore ne seriez vous que les bourreaux de Dieu, enuoyez pour destruire l'eglise du contrechrist (si toutes-fois elle peut estre destruite par armes corporelles) & non pour bastir celle de Christ. Car si ainsi est qu'à David à cause du sang qu'il auoit espādu, & des guerres qu'il auoit faites, combien qu'il les eut faictes par le vouloir de Dieu, ne fut pas permis de bastir le temple de Dieu, lequel temple toutesfois estoit materiel, je vous laisse à penser, s'il vous sera permis ou enchargé de bastir avec vos mains sanglantes le temple spirituel. nenni pour certain, il faut que ce soit vn Salomon: c'est à dire,

dire, gens de paix qui bastiront le temple du Seigneur. Parquoy c'est à fausses enseignes que vous voulez estre tenus pour reformateurs de l'Eglise, & appelez vos Eglises, Eglises reformées, comme ainsi soit que selon vos œuvres elles doiuent estre appellées Eglises destruisantes. Et de faict j'ay ouy dire que vostre predecesseur Martin Luter vne fois le confessa de soy, c'est qu'estant interrogué que vouloit dire que son peuple n'amédoit point sa vie: il respondit que Dieu l'auoit enuoyé pour destruire le Pape, & non pour bastir l'Eglise: & que puis apres il en enuoyeroit quelq autre pour le bastir. Mais Luter estoit bien plus raisonnable que vous, car au moins il combattoit de la langue & de la plume, sans mettre la main aux armes, & sans y pousser les autres, ains les en retiroit, comme il appert par le liure qu'il a faict du Magistrat. Et de faict, vous l'avez autre-fois ensuiuy, mais maintenant vous voulez marcher bien plus oultre. Or cecy ay-je dict, mettant le cas que ce que vous faictes, vous le facies selō le vouloir de Dieu: ce que toutes-fois je ne vous accorde pas, & affin que m'entendies, je m'en vay maintenant adresser mon propos à tous deux, puis que tous deux en cest endroit estes au mesme rang.

Quand Iesus Christ disputoit avec les Juifs, combien qu'ils fussent fort opiniastrés, si est-ce que quelque fois par vne seule pa-

Aux Catholiques,  
& aux E-  
uangel-

qu'es, tou-  
chant de  
forcer les  
consciēces  
les vns des  
autres.

rolle de verité euidente Il les conuainquoit  
tellement, qu'ils demouroient tous muets,  
sans luy respondre vn seul mot, cōme quand  
il leur disoit: Payez à Cesar, ce qui est à Cesar:  
& à Dieu, ce qui est à Dieu. Item: Qui entre  
vous est sans peché, jette la premiere pierre.  
A la mienne volonte que le monde ne fust  
aujourd'huy pas plus obstiné qu'estoiet ceux  
là: je suis bien asseuré, que la cause que main-  
tenant je traite seroit vuidée en vne seule pa-  
rolle de verité euidente, & ne se trouueroit  
homme qui y osast tant peu que ce fust con-  
tredire. Car il ne faudroit que dire à ceux qui  
forcent les consciences d'autrui: Voudriez  
vous qu'on forçast les vostres? & soudainemēt  
leur propre conscience, qui vaut plus q̄ mille  
tesmoins, les conuaincroit, tellement, qu'ils  
demoureroient tous camus. Et vrayemēt je  
vous veux prendre sur ce mot, & posez le cas  
que Iesus Christ vous face vne telle demāde  
(car aussy est-ce pour Iesu Christ, quād c'est  
la verité.) Voudriez vous qu'on forçast vos  
consciēces? Respōdez au nom de Iesu Christ,  
respōdés nous, si vous voudries que l'on for-  
çast vos consciēces. Je suis bien asseuré q̄ vos  
consciences respondent que non, & qu'ainsi  
soit, pourquoy est-ce que parauāt vous nous  
plaignies des Catholiques, ô Euangeliques de  
ce qu'ils forçoiet les vostres? Et vous Catho-  
liques, pourquoy est-ce que maintenāt vous  
cōmencés à vous plaindre des Euangeliques,  
de ce



de ce qu'ils cōmencent à forcer les vōstres? vos plaintes ne vous condamnent elles pas, veu que vous faites le mesme, q̄ vous repre-  
nez en autrui? Ne sçauiez vous pas q̄ S. Paul dit: Tu es inexcusable ô hōme, quicōque tu sois qui juges: Car en ce q̄ tu juges autrui, tu te condānes. Tu enseignes autrui, & ne t'en-  
seignes pas toy-mesme. Tu vas disant, qu'on ne doit pas desrober & tu desrobes. Je vous demāde, si on ne peut pas par la mesme raison ainsi dire: Tu vas disant qu'ō ne doit pas for-  
cer les cōsciences, & tu forcēs celles d'autrui. Faites tout ce q̄ vous voudrez, & cherchez de toutes pars en route diligence, tels eschap-  
atoires que vous voudrez, vos consciences propres vous accuseront tous deux au jour du jugement, & porterez en vos propres cœurs vos tesmoings, lesquels vous ne pour-  
rez ny mespriser ny reprocher: & vous en prendra comme jadis aux Ephraimites, les-  
quels pour-ce qu'ils ne pouuoient pronon-  
cer ce mot Schibbolet, ains prononçoient Sibbolet, estoient mis à mort par les Ga-  
laadites, à cause que par icelle prononciation on cognoissoit qu'ils estoient Ephrateens. Ainsi vous, pour ce que vous ne pourrés dire qu'ayés faiēt à autrui comme vous voudries qu'on vous fist, serés condamnés au jugemēt du Dieu de verité, si de bonne heure vous ne vous amendés. Et si ne faut pas qu'icy vous vous excusies, disans cōme faisoit vnefois vñ:

Rom 2.

Si j'estoy adulateur, je ne voudroy pas qu'on me punist : mais il ne s'ensuit pas pourtant, si je suis juge, que je ne doive punir vn adulateur. Car je respondray ainsi: Si tu estois adulateur, & qu'on t'en punist, tu confesserois qu'on ne te faict point de tort: & vn brigad ou voleur, quand on le punit, confesse qu'il l'a bien merit  : ou si de bouche il le nie, si est-ce que sa conscience, vueille-il ou non, le confesse, & le dement. En quoy se monstre bien l'invincible force de verit   & droicture, qui ne peut estre abolie au c  ur de l'homme, voire quelque meschant qu'il soit: mais il n'est pas ainsi d'un, duquel on force la conscience, & lequel on persecute pour la foy. Car quand bien par contrainte on luy feroit de bouche confesser qu'on ne luy faict point de tort; si est-ce que son c  ur dira tousiours: Vous me faictes tort, & ne voudriez pas que l'on vous fist ainsi. Et voila comment se doit    la verit   entendre ceste reigle: *Ne fay    autrui ce que tu ne voudrois qu'on te fist*: qui est vne reigle si vraye, si juste, si naturelle, & tellement escrite par le doigt de Dieu, au c  ur de tous h  mes, qu'il n'y a homme tant denatur  , ny tant loing de toute discipline & enseignement, qu'incontinent qu'elle luy est propos  e, ne confesse qu'elle est droite & raisonnable, dont il est ais      juger, que quand la verit   nous jugera, elle nous jugera selon ceste reigle. Et de faict, Christ, qui est la verit  , la conferme, quand

non

non seulement il nous defend de faire à autrui chose que nous ne voudrions, qu'on nous fist: mais, qui plus est, nous commande de faire à autrui tout ce que nous voulons que l'on nous face: & dict tout oultre, que de la mesme mesure que nous auons mesuré à autrui, il nous sera remesuré. Icy pourroy-je bien mettre fin à mon propos, estant la chose tant euidente, & par le doigt de Dieu tellement escrite, en la conscience & au cœur de chascun, qu'il n'est possible qu'autre qu'opiniaistre & insensé y contredise: Mais pource que le mesme vous a autrefois par les escrits de quelques vns esté remonstré en passant, & toutes-fois vous n'avez pas laissé de perseuerer, je veux maintenant essayer, lors que tous deux estes par la mesme cause venus en grand angoisse, s'il seroit possible de vous retirer finalement de vostre opiniatrie, & vous faire vn peu ouurir les yeulx. On dict communement: Fol ne croit tant qu'il reçoit. Et Esaie escrit, qu'il n'y aura que le tourment qui face entendre son propos. Pour le moins maintenant, quand vous estes si horriblemēt tourmentez, entendez & n'ensuiuez pas les Iuifs zelateurs, qui furent au temps de Vespasian & Tite Empereurs de Romme, lesquels furent tant, je ne diray pas zelateurs, mais opiniaistres, qu'ils aimerent mieux mourir, que de s'amender: & par ainsi causerent à la nation Iudaïque des maux extremes, qui du-

rent encore aujourdhuy . On dit que mieux vaut tard que jamais, amendez vous pour le moins maintenant, si d'auenture le Dieu de misericorde voudroit auoir pitié de vous. Autrement je vous veux bien dire assurement, que vous n'avez à attendre que maux sans nombre, & à la fin vne effroyable punition de Dieu, qui rendra à chácun selon ses ceuures.

Donques pour reuenir à mon propos, voyant vostre endurcissement, je suis poussé à esplucher la matiere vn petit de plus pres. Je vous demande donques, Vous qui forcez ainsi les consciences des gens, le faites vous par commandement de Dieu, ou à l'exemple de quelques saints personnages, ou par bonne intention, & cuidant bien faire? Car hors-mis ces trois poincts, je ne puis cognoistre la cause pourquoy vous le faciez, si non que ce fust par malice ouuerte; ce que je ne veux croire.

Du com-  
mande-  
ment de  
Dieu.

Si vous dictes, que vous le faictes par le commandement de Dieu, je vous demande où c'est qu'il l'a commandé: car en toute la Bible je n'en trouue pas vn seul mot: voire en la Loy de Moysé, laquelle est autrement assez rigoureuse, (veu qu'elle vient jusques à commander en quelque endroit de meurtrir & massacrer hommes & bestes, & villes des Idolatres) toutes-fois il ne s'en trouue vn seul mot qu'on doieue cōtraindre les consciences.

sciences. Bien permet elle de recevoir des estrangers en la communauté d'Israël, si de leur bon gré ils se veulent circoncir : mais qu'on les doive cōtraindre de ce faire, je n'en trouue rié par escript. Voire ceux-là mesmes qui ont escript liures qu'on doive persecuter & faire mourir les heretiques, n'ont sçeu alleguer aucun passage, pour prouuer qu'on doive forcer les consciences : & toutes-fois ils ont bien esté si diligens, que s'il s'en fust peu trouuer quelcun, je croy bien qu'ils ne l'eussent pas oublié. Et certes si Dieu auoit commandé de forcer les consciences, cela auroit premierement esté contraire à nature, de laquelle luy mesme est le createur : laquelle (comme cy dessus a esté dict) a tellement imprimé ceste reigle au cœur de toutes nations, à sçauoir : Ne fay à autruy chose que tu ne veuilles que l'on te face, qu'il n'y a homme si denaturé, & tant abesti & lourd, qu'il ne soit contrainct de confesser que c'est mal fait, de faire contre ceste reigle. Secondement, il seroit contraire à son propre commandement, veu qu'il nous a commandé le mesme par Iesu Christ. Voire, qui plus est, Sainct Paul reprend bien rigoureusement vn qui par son exemple en mangeant chair, est cause qu'vn autre en mange contre sa conscience, & vient à conclure ainsi : Quand vous pechez ainsi contre les freres, &

1. Cor. 8.

ble-

Rom. 14.

blecez leurs foibles consciences, vous pechés contre Christ. Item en vn autre lieu: Ne gaste & ne destrui pas par ton manger celuy, pour lequel Christ est mort. Que s'il reprend si grieuement celuy qui par son exemple est seulement cause qu'un autre peche contre sa conscience, combien qu'il ne le contraigne pas autrement, voire ne luy die pas qu'il le face: que diroit-il, si aujourdhuy il voyoit l'enorme violence que vous faictes aux consciences, non par exemples, mais tant de parolles que de faict, en blasphemant, condamnant, descriant, bannissant, priuant d'honneur, de biens, & bien souuent de corps, ceux qui ne peuuent croire ou faire en bonne conscience ce que vous croyez & faites? Car si cela n'est contraindre, je ne sçay que c'est que contraindre: voire il n'est possible de faire violence plus grande, & de vray je croy, que si vous en trouuiez vne plus grande, vous la feriez. Or confiderez en quel estat vous mettez les pourceurs gens. Voila vn homme qui faict conscience d'aller à la Messe, ou d'aller ouir vn sermon d'un Ministre qu'il tient pour heretique, ou d'aider, soit par argent, soit de son corps & armes, à vne Eglise qu'il tient pour heretique, contre vne Eglise qu'il tient pour Catholique: & vous luy dictes que s'il ne le faict, il sera banni ou desherité, ou honteusement mis à mort. Que voulez vous qu'il face? baillez luy conseil, car il est en angosse  
extre-

extreme, comme vne lesche de pain, que l'on rostit à la pointe d'un couteau, laquelle si elle s'auance, elle se brusle: & si elle se recule, elle se pique. Ainsi ce poure homme, s'il fait ce que vous voulez, il se damne, faisant cōtre sa conscience: si non, il perd biens ou vie, chose pesante à toute creature. Que luy conseillez vous en ce cas? au moins vous enseigneurs & inquisiteurs de la foy, tant anciens que nouveaux, qui animez les Princes à ce faire, (car on sçait bien que c'est vous qui les poussez, & croy bien que vous ne le nierez pas, veu que vos faicts & sermons, voire vos liures, le resmoignent manifestement) quel conseil donnez vous à un tel homme? luy conseillez, vous qu'il face contre sa conscience? son ame perira. Luy conseillez vous qu'il face selon sa conscience? il sera mis à mort: tellement qu'il peut bien dire comme disoit Susanne à ces deux veillars, qui la vouloient forcer: Je suis angoissée de toutes pars, car soit que je le face, je suis morte: soit que je ne le face, je n'eschapperay point de vos mains. Icy sçay-je bien, que c'est qu'ont accoustumé de dire aucuns: Nous les voudrions bien enseigner, mais ils sont opiniastrés: & quoy qu'on leur die, ils perseuerent tousiours en leur opinion. Sur quoy je leur respon: Aussi leur proposez vous bien souuent choses, lesquelles, ce n'est pas merueilles, s'ils ne les reçoient: ains seroit merueille si homme  
de bon-



de bonne cōscience les receuoit. Mais posons le cas que vous leur proposiez la verité (comme je croy que quelque fois vous faites) & qu'ils ne la reçoient pas, qu'y feroit on? la leur voulez vous faire receuoir par force? Si vn malade ne pouuoit manger vne bonne viande que vous luy bailleriez, la luy voudriez vous fourrer au gosier par force? ou si vn asne ne vouloit boire, le voudriez vous noyer pour le faire boire? Apprenez de Christ, & l'ensuiuez, lequel ayant affaire à gens opiniastrés, les laissoit, & disoit à ses disciples: Laissez les. Et voila quand au commandement.

Des exemples.

Quant aux exemples, je ne trouue ny au vieil ny au nouveau Testamēt, qu'il y ait onques eu sainct personnage: quoy sainct? mais qu'il y ait onques eu personnage, qui ait forcé ne voulu forcer les consciēces, comme vous faites. Et si diray bien plus, que quand il s'en trouueroit qui l'auroient fait, il ne se faudroit pas tirer en consequence, ny les ensuiure, veu qu'ils auroiēt fait contre toute raison & cōtre le commandement Diuin. Car les exemples ne font pas commandement, mais le cōmandement fait les exemples: & ne doit on ensuiure vn exemple, sinon d'autant, qu'il est selon le commandement, ou pour le moins non contre le commandement de Dieu. Et quand il est question de deliberer, que c'est que nous deuons faire, tousiours faut regarder le commandement.

mandement de Dieu, & se gouverner selon icelluy. Autrement il se trouueroit bien des exemples (non pas en matiere de forcer consciences: car en cest endroit, comme dit est, je n'en trouue point, mais en autres matieres) lesquels exēples seroiēt plus que dangereux à ensuiure; comme seroit de Moyle, qui tua vn Egyptiē sans forme de proces. Et de Phinées qui en fit autant à deux paillars: & de Iacob qui mentit à son pere, se disant estre Esau: & des Israélites, qui par vn particulier cōmandement de Dieu pillerēt les Egyptiēs, en empruntant & emportāt leur vaisselle: & de Dauid, qui seruāt à Achis roy de Geth, faisoit des courses sur les Gessurēens & autres nations ennemies des Israélites, & mettoit tout à sang, sans sauuer la vie à hōme ny à femme, puis dōnoit à entendre à son maistre Achis, qu'il auoit couru le pais de Iudée. Item du mēme Dauid, lequel tant s'en fault, qu'il punist le calumniateur Siba, apres auoir cogneu sa calumnie, que mēme il le recompensa de la moitie des biens de son maistre: comme ainsi fust, que selon la loy il le deust punir, & non recompenser. Tels exemples, & autres semblables de saincts personnages, soit que l'Escripture nommement les approuue, soit qu'elle les raconte sans en faire jugement, ne doiuent (quand il est question de deliberer) estre tirez en consequence, & alleguez pour reigle, si non comme dit est.

Autre-

Autrement vn paillard trouuera son excuse en Iudas, qui eut à faire à Thamar, cuidât que ce fust vne putain: vn yurogne, en Lot & Noë: vn menteur, en Dauid, en l'exemple que dict est: & en Abraham, qui dict de sa femme que c'estoit sa sœur: vn cruel ou Tyran audit Dauid, qui tormenta les Ammonites avec des sies, herfes, & cognées de fer, & les fit passer par vne fournaise de tuillerie. Brief, tels exemples, en matiere de deliberation, sont trop dangereux, & en ont fait trebucher maint: & en aduient bien souuent comme en vn enfant, lequel voulant faire comme vn homme, qui manie vne espée, & qui le sçait faire, blece soy ou vn autre, à cause qu'il est vn enfant, & ne sçait manier vne espée. Ioint, que quand bien il n'y auroit nul danger, il ne s'en trouue point touchant de forcer les consciences: & s'il s'en trouuoit, encore ne les doibt on ensuiure, pour les causes cy dessus mises en auant. Mais la plus grande raison de routes, c'est que nous sommes souz Christ, la doctrine & exemple duquel nous deuons ensuiure, quoy que autres ayent dit ou fait, veu que le pere nous a dit, que c'est son cher fils, & que nous le deuons escouter, & luy obeir. C'est ce fils de Dieu, qui ne permit point à ses disciples de faire descendre le feu du ciel, à l'exemple d'Elie, leur disant qu'ils ne sçauoient de quel esprit ils estoient, & qu'il n'estoit point venu pour oster la vie aux hom-

hom-

hommes, comme Elie, mais pour la sauuer. C'est ce fils de Dieu qui nous a dit, que nous le suiuiions: & que tous ceux qui vont deuant luy, sont larrons & brigans: ce que font ceux, qui sans son commandement & exemple, voire contre son commandement & exéple, forcent les consciences. Car ils ne peuuent dire qu'ils suivent Christ, mais bien qu'ils vont deuant: en quoy ils se monstrent larrons & brigans. C'est ce Christ qui nous a baillé vne Loy parfaite, à laquelle pour le moins nous deuons bien porter autant de réuerence qu'à celle de Moysé: c'est que nous nous gardions d'y adjoûter ou oster, veu que (cōme dit est) le pere nous a cōmandé de luy obeïr: & a dit que les nations auront leur attente à sa Loy. Esaie 41. C'est ce fils de Dieu qui nous dit: Apprenez de moy, que je suis debonnaire & humble de cœur, & vous trouuerez repos à vos ames. Donques si nous n'apprenons de luy debonnaireté & humilité, n'attendons pas de trouuer repos à nos ames. Et de vray vous trouuerez par experience, que gens qui forcent ainsi les consciences des autres, n'ont jamais repos en leur cœur, mesme en ceste vie, je me tays de l'autre. Et voila quant aux exemples de la sainte Escripture.

Et quant aux autres, qui ne sont comprinses en la sainte Escripture, je confesse bien qu'il s'en est trouué qui ont autrefois contraint les consciences, comme fut Hyrcanus

Yoseph.  
Antius. li.  
13. cap. 17.

pontife des Iuifs, apres le temps des Machabées, lequel contraignit les Iduméens de se circoncir. Item comme furent autrefois ceux qui cōtraignirent les Saracins de se baptizer. Item en Espagne les Iuifs de faire le mesme. Mais telles gens ne sont non plus à ensuiure que vous, pour les causes que cy dessus dict est. Je me tay que leur contrainte ne seruit non plus que la vostre: car ny les Sarracins ne furent onques vrais Chrestiens, comme bien depuis ils monstrent, quand ils retournerent à leur premiere Religion: & les Iuifs d'Espagne baptisez par force, ne sont non plus Chrestiens que parauant: ains retiennent tous-jours leur vieille Loy, & y enseignent leurs enfans, quelque mine que par contrainte ils facent par dehors, pour laquelle cause on les appelle par vn nom infame Marrans, tellement qu'on n'a gagné autre chose, que de faire des hypocrites & faux Chrestiens, par lesquels le nom de Christ est blasphemé. Je me tay que quand bien de telle contrainte vn grand bien s'en ensuiuroit, elle ne laisseroit pour tant pas d'estre illicite, veu que Saint Paul enseigne, qu'il ne faut pas faire mal, afin que bien s'en ensuiue.

De bonne  
intention.

Il reste que ce que vous faites, vous le faciez par vne bonne intention, & cuidans bien faire: Mais vous sçavez bien, ou pour le moins deuez sçauoir, que nous ne deuons

pas

pas suivre nostre bonne intention, mais le commandement de Dieu, comme il dict luy mesme. Car en cuidant bien faire, on se Deut. 10. trompe quelque fois bien lourdement: comme il appert par le Roy Saul, lequel pour auoir retenu les plus grasses bestes du butin pour en faire sacrifice à Dieu, en fut priué de son regne, à cause qu'il ne l'auoit pas faict par le commandement de Dieu, mais seulement de bonne intention. Item par les parolles de Christ, qui dict ainsi à ses disciples: On vous excommuniera, voire & viendra l'heure que tous ceux qui vous tuëront, cuideront faire seruice à Dieu. Et de faict, si vos seruiteurs faisoient ce que bon leur sembleroit, & non ce que vous leur commandez, on sçait bien que vous n'en seriez pas contens. Parquoy ne pensez pas, que Dieu se contente de vostre cuider bien faire, s'il n'est reiglé selon son commandement: ains sachez que vos seruiteurs vous jugeront au jour du jugement, veu que laissans leur cuider bien faire, ils font ce que vous leur commandez: & vous autres faictes le contraire à vostre maistre.

Or considerons maintenant le fruiet qui Les fruiets de cōtrain te de con science. s'ensuit de vostre contrainte. Premièrement si ceux que vous contraignez, sont forts & constans, & ayment mieux



Yoseph.  
Antius. li.  
13. cap. 17.

pontife des Iuifs, apres le temps des Machabées, lequel contraignit les Iduméens de se circoncir. Item comme furent autrefois ceux qui cōtraignirent les Saracins de se baptizer. Item en Espagne les Iuifs de faire le mesme. Mais telles gens ne sont non plus à ensuiure que vous, pour les causes que cy dessus dict est. Je me tay que leur contrainte ne seruit non plus que la vostre: car ny les Sarracins ne furent onques vrais Chrestiens, comme bien depuis ils monstrent, quand ils retournerent à leur premiere Religion: & les Iuifs d'Espagne baptisez par force, ne sont non plus Chrestiens que parauant: ains retiennent tous-jours leur vieille Loy, & y enseignent leurs enfans, quelque mine que par contrainte ils facent par dehors, pour laquelle cause on les appelle par vn nom infame Marrans, tellement qu'on n'a gaigné autre chose, que de faire des hypocrites & faux Chrestiens, par lesquels le nom de Christ est blasphemé. Je me tay que quand bien de telle contrainte vn grand bien s'en ensuiuroit, elle ne laisseroit pour tant pas d'estre illicite, veu que Saint Paul enseigne, qu'il ne faut pas faire mal, afin que bien s'en ensuiue.

De bonne  
intention.

Il reste que ce que vous faites, vous le faciez par vne bonne intention, & cuidans bien faire: Mais vous sçavez bien, ou pour le moins deuez sçauoir, que nous ne deuons

pas



pas suivre nostre bonne intention, mais le commandement de Dieu, comme il dict luy mesme. Car en cuidant bien faire, on se trompe quelque fois bien lourdement: comme il appert par le Roy Saul, lequel pour auoir retenu les plus grasses bestes du butin pour en faire sacrifice à Dieu, en fut priué de son regne, à cause qu'il ne l'auoit pas faiët par le commandement de Dieu, mais seulement de bonne intention. Item par les parolles de Christ, qui dict ainsi à ses disciples: On vous excommuniera, voire & viendra l'heure que tous ceux qui vous tuëront, cuideront faire seruice à Dieu.

Et de faiët, si vos seruiteurs faisoient ce que bon leur sembleroit, & non ce que vous leur commandez, on sçait bien que vous n'en seriez pas contens. Parquoy ne pensez pas, que Dieu se contente de vostre cuider bien faire, s'il n'est reiglé selon son commandement: ains sachez que vos seruiteurs vous jugeront au jour du jugement, veu que laissans leur cuider bien faire, ils font ce que vous leur commandez: & vous autres faiëtes le contraire à vostre maistre.

Or considerons maintenant le fruiët qui s'ensuit de vostre contrainte.

Les fruiëts  
de cōtrain  
te de con-  
science.

Premierement si ceux que vous contraig-  
nez, sont forts & constans, & ayment mieux

mourir, que de blecer leurs consciences, vous les faites mourir : en quoy vous estes meurtriers de leurs corps, dont il faudra que vous en rendiez conte à Dieu. Secondement, s'ils sont si foibles, qu'ils aiment mieux se dedire & blecer leurs consciences, que d'endurer vos tormens & geines importables, vous faites perir leurs ames, qui est encore pis: dont il faudra qu'en rendiez comte au Seigneur, auquel ils sont, & soyez punis selon la loy de la pareille, qui est: De telle mesure que vous mesurez, il vous sera remesuré. Tiercement, vous scandalisez enormement tous les vrais Chrestiens & enfans de Dieu, lesquels ayans un esprit de Christ, qui est esprit de toute douceur, bonté, debonnaireté, s'offensent grandemét, & non sans cause, de vostre enorme violence, & en gemissent continuellemét à Dieu. Et ne doute pas, qu'il en y a maints entre vous, lesquels craignás vos violéces, se taisent, voirement de bouche, mais leur cœur crie jusques au ciel, & paruiét leur cri jusques aux oreilles de celui, qui oit les gemissements des oppressez à tort. Or considerez, si c'est petit peché de scandalizer tant de gens craignans Dieu, veu que Christ dit, qu'il vaudroit mieux avec vne pierre de moulin attachée au col, estre jetté au fond de la mer, que de scandalizer le moindre de ceux qui croient en luy. Quartement, vous estes cause que le saint nom, & la sainte & benigne doctrine de Je-

de Iesu Christ, est blâmée & blasphémée parmi nations estranges, comme sont les Iuifs & Turcs, lesquels voyans telles guerres & carnages entre les Chrestiens, pensent qu'il tiennent à la doctrine, & pour cela la vituperent, & s'en desgoustent journellement tant plus.

Cinquiesmément, vous estes cause qu'entre vous. s'engendrent des inimitiez, haines & rancunes mortelles & immortelles, & qui par auenture iront de pere en fils, tant pour les violences vsées sur les viuans; que pour le sang des morts espandu, duquel la memoire demeure long temps fresche au cœur de leurs parens & amis. Et voila les grands maux qui viennent de vos violences. En recompense de tous ces maux, il y a vn seul bien que peut estre, les moins mauuais d'entre vous esperent, c'est que par telle violence quelques vns seront gaignez à Christ. A quoy je respons premierement, que quand bien ainsi seroit, tel bien ne seroit nullemēt à comparer à tant de si grand maux que dit est: & que ce seroit à vous, pour vn tel bien, faire tant de maux, aussy grande folie, que si quelcun pour moissonner vn muid de blé, en semoit cent: ou pour auoir des cendres, venoit à bruler sa maison: ou pour engendrer vn enfant, venoit à tuer cent hommes desia âgez. Mais posons le cas que le bien qui s'en ensuit, fust non seulement egal au mal, mais sans comparaison plus grand, encore ne se deuroit il pas faire,

veu que (cōme dit est) la verité nous enseigne qu'il ne faut pas faire mal, afin que bien s'en ensuiue. Et que dirons nous, si le bien que vous y cherchez, n'y est pas? vous voulez faire des Chrestiens par force, & parainssi hōnorer Dieu: en quoy vous vous abusez grandemēt, Car si cela se pouuoit ou deuoit faire, Christ auroit esté le beau premier qui l'auroit & fait & enseigné, veu qu'il a esté enuoyé pour honnorer & faire honnorer Dieu, & pour ce faire a eu l'esprit de toute sagesse: Mais il va tout autrement, car il ne veut auoir que des disciples volontaires, & sans contrainte, comme il a esté & figuré & predit au vieil Testament. Figuré, en ce que le tabernacle fut fait de dons offerts du bon gré du peuple: Item en ce que quand Dieu enseigne au peuple d'Israël, comme c'est qu'ils deuoient guerroyer, il leur fait vne Loy; que deuant qu'entrer en bataille, ils ayent à faire crier que qui sera craintif, ou nouueau marié, ou qui aura basti vne maison neuue, ou planté vigne, ait à se retirer & retourner chez soy, de peur qu'en bataille il ne face perdre le courage aux autres. Voila quant à la figure. Quant à la predication, elle est au liure des Pseaumes, là où Dieu dict à Christ telles parolles: Tes gens marcheront de leur bon gré, au jour que tu feras ton exploit, avec vne sainte majesté. Voila les vrais soudats de Christ volontaires & allegres, & ne regrettans chose quelconque mon-

Psal. 110.

mondaine. Et ceux qui en font ou veulent faire par contrainte, ne s'entendent certes, ny en guerre corporelle, ny en spirituelle: ains au lieu de faire des vrais champions de Christ, ils en font de couars, craintifs, feints & effeminez, & qui sont plus à l'avantage de l'ennemi, que de Christ. Je dy ceci tout constamment, & sans aucune doute: car je sçay certainement qu'il est ainsi: & m'en rapporte à l'expérience, qui ne m'en laissera mentir. Car nous voyons manifestement, que gens contrains à la Religion Chrestienne, soyent peuples, soyent personnes particulieres, ne sont jamais bon Chrestiens, & crain qu'ils le soyent moins que parauant, estans degoustez par telle contrainte, voire quelque fois jusques à se boucher les oreilles, de peur d'ouïr ce qu'on leur presche: & à prier Dieu qu'il leur face la grace de sortir du sermon, tels qu'ils y entrent. Que si quelcun ainsi contraint vient à croire (ce que toute-fois je doute fort s'il se fait) mais s'il vient à croire, cela ne se fait pas par la contrainte: & peult estre que s'il n'eust esté contraint, il eust aussy tost ou plustost creu qu'il n'a: comme nous voyons là où on ne contrainct personne, le nombre des croyans communément croistre plus que là où il y a contrainte. Des exemples j'en pourroye alleguer assez, s'ils n'estoyent manifestes à plusieurs, & si je ne craignoy

d'offenser quelques vns. Parquoy je dy, que ceux qui regardent ainsi au nombre, & pour cela contraignent les gens, ne gagnent rien, ains perdent plustost, & ressemblent à vn fol, qui ayant vn grand tonneau, & vn peu de vin dedens, le remplit tout d'eau, pour en auoir d'auantage : en quoy faisant, tant s'en faut qu'il accroisse son vin, que mesme il gaste ce qu'il auoit de bon. Ainsi telles gens voulans augmenter le nombre des Chrestiens, tant s'en faut qu'ils l'augmentent, qu'ils gastent mesme ce qu'il y auoit de bon. Parquoy il ne se faut pas esbahir, si aujourdhuy le vin de Christ est tant petit & foible, veu que on y mesle tant d'eau. Les Apostres ne faisoient pas ainsi, qui sçauoient & gardoient le vray moyen de faire & receuoir vn Chrestien : ains demandoient à l'apprentif s'il croyoit : comme fit Philippe au chastré de la Roine Candace : Si tu crois de tout ton cœur, il est loisible de te baptizer. Mais vous autres qui contraignez les consciences, ne sçauriez ainsi demander à vos apprentifs. Car quand par crainte de deshonneur, ou de perte de biens ou de corps, vous contraignez quelcun d'approuuer la puissance du Pape, ou la messe, ou le purgatoire, ou la doctrine, ou ceremonies que vous tenez, il n'est ja besoing que vous luy demandiez s'il y croit de tout son cœur, c'est à dire, vrayement & sans doubte : car vous pouuez bien sçauoir ( si vous n'estes plus auenglés que



que taupes) que tant s'en faut qu'il y croye de tout son cœur, que c'est tout au contraire: c'est qu'il y mescroit de tout son cœur: & s'il osoit dire ce que son cœur croit & pense, il diroit: Je croy de tout mon cœur que vous estes vrayz tyrans, & que ce à quoy vous mē contraignez, ne vaut rien: voire de sorte, que si parauant j'y eusse eu quelque inclination, maintenant vous me l'osteriez par vostre violence. Car il faut bien dire, que le vin ne vaut guerre, quād on contraint les gens à le boire: aussy faut il bien dire, que vostre doctrine ne vaut guerre, quand vous y contraignez les gens. Et pour le faire court, vous faites cōme firent autres-fois les François, quand aians prins Bourgogne, ils cōtraignoient les Bourguignons de dire, V I V E L E R O Y. Car les Bourguignons se faisoient plustost tuer, que de dire V I V E L E R O Y: ou si quelcun par crainte le disoit de bouche, son cœur disoit tout au contraire, & haïssoit plus le Roy que jamais. Ainsi font ceux que vous contraignez, tellement que vous ne faites qu'engendrer haines mortelles, & faire des Chrestiens faintifs & hypocrites, qui ne pensent, & ne raschent puis apres à autre chose, qu'à ruiner ce à quoy ils ont esté contrains, & enseignent ainsi leurs enfans: & à la premiere occasion qui leur est présentée, se reuolent. Voila au lieu du bien, les maux qui viennent de vos bonnes intentions & contraintes: lesquelles



si vous ne voyez ; je m'en esmerueille , & si vous ne considerez, que mesmes au lieu d'auancer vostre Religion , vous la reculez . Et qu'ainsi soit, considerez bien l'affaire.

Premierement vous Catholiques, quand Luter commença se mettre en auant, vous commençâtes à persecuter ceulx de sa secte, & les brusler afin de l'éteindre : & depuis jamais n'avez cessé de tascher en toute façon de l'oster . Et qu'avez vous gaignez ? vous vousestes rendu suspects, & avez faict que les gens se sont voulu enquester que c'estoit : dont la chose a esté tellement braffée, que pour vn que vous avez bruslé, il en est venu cent, de sorte qu'il en y a aujourd'hui plus de milliers, qu'il n'en y auoit alors de dizaines, tellement que comme vous voyez, ils vous osent desia faire la guerre.

Pareillement vous Euangeliques, quand par-cy-deuant vous combatiez des armes spirituelles, que vous auiez apprinses & prinsses de Christ & de ses Apostres, à sçauoir de foy, d'amour, de patience, & autres, Dieu vous benissoit & fortifioit tellement, que vostre cas alloit tousiours de bien en mieux, & augmentoit vostre nombre dru, comme gouttes de rosée de l'aube du jour. Mais maintenant depuis que laissant les armes spirituelles, vous commencez à empoigner les charnelles, il vous va tout au rebours.

Car

Car vostre violence vous rend suspects, & est cause que les gens au lieu de s'auancer, se reculent, & ont tres-mauuaise estime de vous. Et afin que vous entendiez que ce n'est pas cas de fortune, ains est vne prouidence & volonte de Dieu, lequel communement de telles causes fait sortir tels effets, vous deuez entendre que ce qui vous auient, est mesme de vostre memoire auenu à d'autres : à sçauoir, à Zwingle, & à l'Empereur Charles cinquiesme. Car tandis que Zwingle combattoir par doctrine & parolle, son cas s'auançoit tellement, que tout le pais de Suisse estoit en branle de recevoir sa doctrine. Mais quand il vint à vser de violence, & à mettre luy-mesme la main à l'espée, tout y alla à rebours : tellement que luy-mesme avec plusieurs autres mourut en bataille, & les cantons Catholiques qui parauant estoient en branle, se retirerent & confirmerent tellement en leur ancienne foy, que depuis jamais n'en ont bougé.

Aussy l'Empereur Charles, vous sçaez comment il fit la guerre aux Protestans, & comment il eut pleine victoire, jusques à prendre & tenir long temps prisonniers leurs Princes, de sorte qu'on eust dict que c'estoit faict de leur doctrine & Religion. Mais qu'en aduint-il finablement ? il aduint qu'il fut contrainct, non par les Pro-

Protestans, mais par ceux mesmes qui l'auoient ayd   & principalement de par le Roy de France, qui estoit ennemi mortel de la doctrine des Protestans, de lascher les prisonniers. Dont la Religion des Protestans par l'aide de ses propres ennemis demoura tellement en son entier, qu'elle y est encore pour le jourdhuy. Par tels ex  ples semble il que le Dieu des arm  es m  stre manifestem  t qu'il ne veut point qu'on y procede par violence.

Confideration de l'au  nir.

Or considerons maintenant, en cas que pers  uerez tous deux en vostre entreprise, que c'est, qu'il est vray-semblable de vous en deuoir au  nir. Il faut necessairem  t (sel   que je puis, en   pluchant le tout, comprendre) ou que la guerre soit perpetuelle: ou qu'une partie soit par force persuad  e & attir  e    la Religion de l'autre: ou que sans estre persuad  e, elle en face le semblant, par crainte: ou qu'elle soit par l'autre du tout aneantie, ou pour le moins chass  e hors du pa  s: ou qu'elle demourante au pa  s, elle soit miserablement tyrannis  e: ou que les deux parties soyent domt  es & assubi  ties par quelque ennemi, ou ennemis de dehors: ou qu'elles facent paix ensemble par telle condicion, que chascune tienne sans contrainte, laquelle des Religions elle voudra, sans faire fascheri      l'autre. Voil  , ce me semble, les sept poin  ts dont il faut que l'un aduienne, & sur lesquels il faut prendre deliberacion & conseil.

Don-

Donques pour les considerer tous sept, & <sup>Le premier</sup> choisir le meilleur : quant au premier, qui est <sup>poina.</sup> perpetuelle guerre, il est mal heureux & detestable, pourtant doit il estre cuité. Je me say qu'il est (ce semble) impossible, veu que vostre guerre ne seroit pas comme sont cōmunement les autres, ains seroit vne guerre obstinée; & tendante à la totale ruine de l'aduersé partie; veu que tant l'une que l'autre (comme nous entendons assez par vos propres parolles) semblent auoir iuré & promis, qu'ils si employeront jusques au dernier denier de leur bourse, & à la dernière goutte de leur sang. Que pleust or à Dieu (afin que je die cecy en passant) que vous eussiez plustost juré en la forme de Christ, à sçauoir que vous emploieriez sac & bagues, & jamais ne cesseriez que vous n'eussiez tué le vieil homme, & fussiez parcreux au nouueau: & en aimant vos ennemis, fussiez semblables à vostre pere celeste. Voila, voila, qui seroit vn complot sainct & louable, vn veu sainct & semblable à celuy de Daud, qui jura & fit veu à Dieu, qu'il n'entreroit en sa maison, ny ne monteroit sur son lit, ny ne laisseroit dormir & reposer ses yeux, qu'il n'eust trouué lieu & maison à Dieu de Iacob. Mais cecy peus je bien souhaitter: Car de l'esperer, vos faictz m'en gardent. Tout ainsi donques, qu'une extreme maladie ne peut en vn homme longuement durer, qu'elle ne garisse, ou emmeine le ma-

le malade: ainsi vostre dissension & guerre, ce me semble ne peut estre perpetuelle, ains faut ou qu'elle finisse, ou que tout le Pais-bas soit destruiect & gasté.

Le second  
point.

Quant au second poinct, il n'est ny loisible ny possible. Car de penser qu'une conscience puisse estre persuadée par force, c'est aussy grande folie, comme qui voudroit avec une espée ou halebarte tuer la pensée d'un homme.

Le troisié-  
me poinct

Le troisiésme poinct, qui est d'avoir des gens feintifs, qui par crainte facent semblant d'accorder à la Religion, & en leur cœur la detestent, & tout ainsi comme si une communauté vouloit avoir des Bourgeois feintifs, qui de bouche promettans la foy, de cœur haïssent la communauté. Certainement telle communauté meriteroit bié en lieu de bourgeois d'avoir des traistres. Ou il est ainsi comme si un mari vouloit avoir une femme qui de bouche luy promist foy de mariage, & de cœur tout au contraire. Certainement un tel homme meriteroit bien, au lieu d'une loyalle espouse, d'avoir une pailarde secreete, & infame.

Le qua-  
trième &  
le cinquié-  
me poinct

Le quatriésme poinct, qui est qu'une des parties soit par l'autre du tout aneantie, ou pour le moins chassée hors du pais. Item le cinquiésme, qui est de tyranniser, ne ressemblent non plus à une Chrestienté, qu'un loup à une brebis. Que si vous estes d'un tel

vous-

vouloir, il vous vaudroit mieux renoncer entièrement au nom de Christ, & vous porter tout ouuertement pour payens & tyrans, puis que de faict vous l'estes, & n'avez aucune accointance avec la benigne nature de Iesu Christ. Vous sçavez que disoit Elie au peuple d'Israël : Si Baal est Dieu, adorez Baal : Si le Seigneur est Dieu, adorez le Seigneur, & ne clochés point entre deux. Ainsi vous sera-il dict à bon droict : Si vous estes Chrestiens, pourquoy vlez vous de tyrannie ? Et si vous n'estes Chrestiens, pourquoy en portez vous le tiltre, & nians Christ de faict, le confessez de bouche ? Ne sçavez vous pas que Christ dict : Apprenez de moy, que je suis benin, & humble de cœur.

Quant au sixiesme, il est miserable, *Le sixième point.* & croy que vous ne le desirez pas, si vous n'estes entierement hors de vostre bon sens.

Il reste maintenant le septiesme point, *Le septième point.* qui est d'appointer, & laisser les deux Religions libres : lequel point, si vous ne receuez, il vous faudra necessairement tomber en l'un des six inconueniens cy dessus mentionnez. Que si tous six sont ou miserables, ou contre Dieu (comme certes ils sont, & nous l'auons monsté) & vous voulez eui-ter tant le malheur, que le peché (comme certes vous deuez vouloir) il reste que vous

rece-



receuiez le septiesme, lequel je dy, & (comme j'espere) prouueray, estre & sans aucū peché, & sans inconuenient si grand, que sont les autres. Mais deuant que venir à ce point, je veux faire mention d'un petit liure imprimé en France, l'an 1561. dont le tiltre est:

*Exhortation aux Princes & Seigneurs du Conseil priué du Roy:* auquel liure est donné le mesme conseil que je veux dōner, c'est de permettre en France deux Eglises. Ledit liure (selon mon auis, & de tous ceux, auxquels j'en ay parlé, & qui l'ont leu) est escrit par vn homme prudent, quel qu'il soit, & qui donne vn conseil tres-bon & profitable. Et de fait, les plus deraisonnables serōt contraincts de me confesser, que si on l'eust suiuy, on eust jusques à present euité la mort de cent mille personnes Françoises pour le moins, qui depuis ont esté miserablemēt meurtris: qui eust esté vn bien, la grandeur duquel est maintenant (apres qu'on l'a perdu) plus aisé à cognoistre, quelle n'eust pour lors esté à sentir, si le mal ne fust aduenü, puis qu'ainsi est, que les fols ne cognoissent le bien, qu'apres qu'ils en sont dessaisis. Or puis que la France en refusant si long temps vn si bon & moderé conseil, & ensuiuant vn mauuais & sanglant, est tombée en des maux si grans & irreparables: je suis venu à penser, que ou jamais vous n'apprendrez, ou vous aurez à ceste-fois, pour le moins comme les fols, appris quelque chose, & ce  
par



par les maux & calamitez de vos voisins. Vous auez jusques à present suiuy le conseil des plus inpitoyables de vos maistres & enseignants (comme il aduient communement qu'on croit plustost aux mauuais qu'aux bōs) & ne vous en estes pas bien trouuez, je me tay que vous auez grandement offensé celuy qui de là haut maintenāt vous punit. Essayez maintenant vn autre moyen, & faites cōme l'on fait es maladies. Quand on s'est mal trouué d'vn medecin, on en cherche vn autre: ou comme fit jadis Pharaon le Roy d'Egypte, lequel ne pouuant tirer de ses magiciens aucun dechiffrement de ses songes, fit à la fin venir le pouüre prisonnier, & mesprisé Ioseph, duquel il apprint ce qu'il cherchoit, & en suiuant son conseil, s'en trouua tref-bien. Ainsi vous, puis que jusques à present vous auez esté seduits par ceux qui vous conduisent, regardez de toutes pars s'il seroit possible de trouuer meilleure adresse, & ne soyez point opiniastrs comme les Alchimistes, lesquels aiment mieux dependre sac & bagues, corps & entendement, & finablement ou mourir en soufflant le charbon, ou aller mourir en l'hospital, que de laisser leur force-née entreprise: ou comme les joueurs à dez: lesquels aiment mieux jouer jusques à la chemise, que de retenir pour le moins le pourpoint: ou comme firent au temps de l'Empereur Vespasian, & Tite son fils, les Iuifs, q*i*

aimèrent mieux voir leur ville capitale Ierusalem avec toute la Iudée, & natiō Iudaïque tomber en cendre & sang, que de se laisser retirer de leur enragée opiniatriſe. Donques, pour reuenir à mon propos, examinés bien le liuret & conseil que dict est, & vous trouuerez que vous ne scauriez mieux faire que de le ſuiure. Et de vray, je pourroye bien icy mettre fin à mon propos, & vous y réuoyer, faisant comme font quelque-fois en conseil les conſeilliers, quand pour eſtre courts, ils diſent: Le m'en tien à ce qu'e a dit vn tel: mais je voy icy vn empeschemēt, lequel il faut oſter, s'il eſt poſſible, c'eſt qu'il en y a qui enſeignēt & ont enſeigné, tant par parolles, que par liures, que l'office des Princes & ſeigneurs de juſtice, eſt de faire mourir les heretiques: & que s'ils ne le font, ils font contre Dieu, & en ſeront punis. Ceſt enſeignement a eſté la principale cauſe de ces charnages & boucheries qu'on a veu & en France, & icy ſi long temps durer, pour le fait de la Religion: & tandis qu'il demeure, & que les Princes y croient, je n'y voy remede quelconque. Car puis qu'aujourd'huy la Chreſtienté eſt diuiſée en tant de ſectes, toutes lesquelles eſtimēt les vnes les autres pour heretiques, il ne peut eſtre que les Princes qui croient à ceſte doctrine de perſecution, ne perſecutent & maſſacrent ceux qu'ils tiennent pour heretiques. Or en cecy le comble du mal eſt, que ceux

meſ-

mesmes qui ont enfanté & publié telle doctrine, sont eux mesmes tenus de toutes autres sectes pour heretiques, & pourtant sont persecutez & en dangier d'estre massacrez. Voire l'estoient desia lors qu'ils mettoient en avant telle doctrine. Et qui plus est, haïssent & ont haï, & persecuté, & tasché de faire mourir ceux qui en ceste opinion leur ont osé contredire, en quoy il me semble qu'ils ressemblent aux Iuifs, lesquels (selon que raconte Pline) comme les Romains defendoient l'arbrisseau qui portoit le baume, qu'il ne fust gasté, firent au pis qu'ils peurēt pour l'ancantir & destruire, tellement que les Iuifs mesmes estoient plus ennemis de leur bien & vie propre, que leurs ennemis, c'est à dire que les Romains. Tout ainsi font ceux icy, en ce qu'ils haïssent & persecutēt ceux qui par leur auis & cōseil leur sauuoient la vie. Et qu'ainsi soit, je les en pren eux mesmes à tesmoings s'il n'est pas vray, que si on suiuiot le conseil de ceux qui deconseillent persecution, eux mesmes qui enseignent persecution, seroient espargnez & non persecutez: là où maintenant à cause qu'on a tant suiui leur doctrine de persecution, ils sont eux mesmes persecutez, & batus de leur propre bâton: tellement qu'on peut bien dire d'eux, ce que dict Plin des Iuifs, c'est qu'ils cōbattent cōtre leur propre vie. Or pour venir à propos, la questiō est, si on doit faire mourir les heretiques: & sur

& eſcript des liures, les vnſtenans qu'ouy, les autres que non. Et comme bien ſouuent la pire partie, quand le monde juge, vainc la meilleure, ceux qui ont tenu que ouy, l'ont gaigné & perſuadé à pluſieurs; dont s'en eſt enſuiuie la mort de pluſieurs, tant autres, que des leurs meſmes, qui ont eſté tenus pour heretiques, leſquels certes n'euffent pas eſté mis à mort, ſi l'opinion contraire euſt eu lieu. Maintenant puis que l'opinion perſecutante eſt contraire à noſtre conſeil & entrepriſe, à cauſe que les Princes font conſcience de ne perſecuter pas, il ſeroit bon de la reſuter & monſtrer fauſſe. Mais pour ce que ceux qui par-cy-deuant en ont eſcript, l'ont (ce me ſemble) aſſez fait, ſi on n'eſtoit ſi trefopiniaſtre, & que pour le preſent il me faudroit eſtre trop long, je m'en rapporteray à ce qu'ils en ont eſcript, ſans autrement pourſuiure la matiere par le menu. Tant ſeulement je m'arreſteray à deux poincts que j'ay cy deſſus touchez, c'eſt à monſtrer qu'on peut bien laiſſer viure & ne perſecuter pas ceux qu'on tient pour heretiques: & qu'en cecy n'y a ne peche, n'inconuenient ſi grand que de faire autrement: & que ſi de deux-maux on doit choiſir le moindre, comme certes on doit, on deueroit choiſir ceſtuy-cy.

Que c'eſt  
qu'un he-  
retique.

Donques afin de me faire entendre, je  
veux en peu de parolles monſtrer ſimple-  
ment

nant du mot heretie, qui  
ment que proprement he-  
eſt d'une ſecte, comme  
entre les Philoſophes, les  
pateriques, Stoiques, Ep-  
les Pharifiens, Sadducien-  
zariens, & Recabites: &  
jourd'hui toutes ſectes  
ment Chreſtiens: com-  
Grecs, Georgians, La-  
Vaudois, Picars, Anab-  
entre les Catholiques  
qu'on appelle Ordres  
liers, Auguſtins, Charr-  
Toutes telles ſortes de  
ce mot Grec, & ſelon l'  
l'Eſcripture, heresies: &  
retiques. Mais quand  
part, le mot, heretie, ſi  
ſecte: Et heretique, ſi  
mauuiſe ſecte: ainſi qu'  
eſt parlé d'une garſe  
s'entend d'une garſe  
d'une putain: comme  
que le mot de garſe  
ques heretique c'eſt  
uiſe ſecte: & tout ce  
prouuer; mais pour-  
niſſe à tout homme

ment & à la verité que c'est qu'un heretique.

Ce mot, heretique, est un mot Grec, venant du mot heresie, qui signifie secte: tellement que proprement heretique, c'est un qui est d'une secte, comme estoient autrefois entre les Philosophes, les Academiques, Peripateriques, Stoïques, Epicuriens: & en Judée les Pharisiens, Sadduciens, & Esséens, & Nazariens, & Recabites: & comme seroient aujourd'hui toutes sectes de gens, qui se nomment Chrestiens: comme sont Romains, Grecs, Georgians, Luterians, Zwinglians, Vaudois, Picars, Anabaptistes, & autres: & entre les Catholiques les sortes de moines, qu'on appelle Ordres, comme sont Cordeliers, Augustins, Chartreux, Iesuites, & autres: Toutes telles sortes de gens s'appellent selonc ce mot Grec, & selon la maniere de parler de l'Escripture, heresies: & ceux qui en sont heretiques. Mais quand il en est parlé à la male part, le mot, heresie, se prend pour mauuaise secte: Et heretique, pour un qui est d'une mauuaise secte: ainsi qu'en François, quand il est parlé d'une garce en la mauuaise part, il s'entend d'une garce impudique, c'est à dire d'une putain: comme ainsi soit toutes-fois, que le mot de garce, signifie une fille. Donques heretique c'est un qui est d'une mauuaise secte: & tout cecy pourroy-je aysemēt prouuer; mais pour-ce que c'est chose manifeste à tout homme qui entend le Grec &

l'Escripture, je le pren pour tout prouué & confessé.

Si en doit  
faire mourir les heretiques.

Maintenair la question est, si on doit faire mourir les heretiques: & si les Princes & seigneurs de justice, feront mal s'ils ne les font mourir. Sur quoy je respon que non: & la cause est, pource que Dieu ne l'a jamais commandé ny au vieil ny au nouveau Testamēt. Et de cecy je pren à tesmoings ceux mesmes qui ont expressement escript des liures pour monstrier qu'on doit faire mourir les heretiques, lesquels cerchans en toute diligence tous les passages qu'il seroit possible pour prouuer leur opinion, n'en ont jamais sceu trouuer vn en toute l'Escripture, où il soit commandé de faire mourir les heretiques: ce que voyans, & toutes-fois voulās maintenir leur opinion sont allé prouuer que Dieu au vieil Testament auoit commandé de faire mourir les blasphemateurs & faux Prophetes, & sur cela ont cōclu qu'il falloit donque faire mourir les heretiques, comme blasphemateurs & faux Prophetes. Et de fait s'ils pouuoient prouuer que les heretiques fussent tels blasphemateurs ou faux Prophetes, comme sont ceux que Moysē commande de faire mourir, je confesseray que Moysē auroit commandé de faire mourir les heretiques, & ne voudroy pas estriuer pour le mot, puis que de la chose nous serions d'accord. Mais il n'est pas ainsi: Car quand Moysē commande de mettre à

mort



mort vn blasphémateur, il parle d'un qui par dépit & à son escient vient à maugréer le nom de Dieu, comme nous voyons maints joueurs, soudars & yurognes, & autres qui le font. Et qu'ainsi soit, il appert tant par l'exemple, que par le commandement qui est en Moysé. Car il est là dit comment il se leua vn debat entre vn qui estoit fils d'une femme Israélite, & d'un pere Egyptien, & entre vn Israélite, dont le fils de la femme Israélite blasphema & maugrea le nom du Seigneur. Pour laquelle cause le Seigneur commanda qu'il fust lapidé; & en fit vne loy, dont les parolles sont cestes cy: S'il y a homme qui maugrée son Dieu, qu'il en soit puni, & qui depitera le nom du Seigneur, soit mis à mort. Icy voyons nous manifestement, qu'il parle des maugréemens & blasphemes, qui communement sont appelez blasphemes, & tres-bien entendu, mesme du menu peuple. Car mesmes les communautéz profanes en ont des loix & punissent communement tels blasphemes. Mais d'alleguer ceste loy contre heretiques, qui pourroient mal entendre & exposer quelque poinct de l'Escripture, comme seroit de la Cene, ou du Baptisme, & autres, & dire que par celle loy ils doiuent estre mis à mort, c'est mal & dangereusement alleguer, & estre trop diligent & subtil à espandre sang: aussy bien que qui diroit que les Sadducéens deuoient par la mesme loy estre mis à mort,



mort, à cause qu'ils nioyent la Resurrection des morts : ou les Iuifs Chrestiens, à cause qu'ils tenoient que pour estre sauuez il se fa-  
loit circoncir: ou Paul, à cause que deuant qu'estre Chrestien, il auoit par ignorâce blas-  
phémé Christ, & sa secte: ou Thomas, à cau-  
se qu'il nioyt la Resurrection de Iesu Christ,  
combien qu'il en eut l'Escripture, & la pre-  
diction de Christ, & le tesmoignage de ses  
Apostres.

Deut. 13.

Item quant aux faux Prophetes, il est cer-  
tain, qu'il n'entend point d'un heretique,  
comme il appert par ses parolles, qui sont rel-  
les: Si entre vous se leue quelque Prophete  
ou songeur, qui vous donne quelque signe ou  
miracle, & que ledict signe ou miracle qu'il  
aura dict, auienne: & neantmoins il vous  
veuille mettre en teste d'aller apres Dieux  
estranges que vous ne cognoissez, & de les  
seruir, ne luy croyez point, ains faictes le  
mourir. Voila les parolles de la loy de Moysse  
par lesquelles il est euident, que pour faire  
mourir un homme par celle loy, il y faut trois  
choses. Premièrement, que ledict Prophete  
ou songeur predise quelque signe ou miracle;  
secondement, que ledict signe ou miracle  
auienne: tiercement, que ledict Prophete ou  
songeur pousse le peuple à adorer Dieux  
estranges: Que si ces trois poincts n'y sont,  
combien qu'il en y eust un ou deux, on ne  
peut par celle loy faire mourir un homme.

Or est-

Or est-ce que les heretiques, ou en ceux qui sont tenus pour heretiques, non seulement ces trois poincts ne sont pas, mais mesmes il n'y a pas vn, parquoy on ne les peut par celle loy faire mourir. l'enten bien que quelcun dira (comme aucuns ont osé escrire) que puis que les heretiques falsifiēt l'Escripture, & enseignent de Dieu autrement qu'il n'est, que c'est autant comme s'ils poussioient à adorer Dieux estranges, puis qu'ils enseignent de Dieu autrement qu'il n'en est. Mais, sauf leur grace, je respon pour la seconde fois, qu'ils sont trop ingenieux à espandre sang: & que c'est comme si quelcun disoit que ceux qui au temps des Apostres croyoient & disoient que Christ n'estoit venu q̄ pour sauuer les Iuifs, & pourtant s'offensoient de ce que Pierre estoit allé enseigner Cornille Centenier Payen, faisoient Dieu autre qu'il n'est, c'est à dire, Sauueur seulement des Iuifs, & non des Payens, & pourtant estoient Idolatres. Il ne faut pas, quand il est question d'une chose de si grande importance, que de faire mourir vn homme, aller ainsi tordre & exposer la loy à nostre fantasie: ains faut rondement sans aggrandir ou amoindrir le crime, s'arrester aux parolles & intention de la loy. Sainct Paul appelle bien l'auarice idolatrie, à cause qu'un auaricieux faict vn Dieu de son argent. Faut il pourtant conclure, qu'un auaricieux doieue estre mis à mort par la loy qui commande de

faire mourir les Idolatres ? Il escript aussy contre aucuns qui font leur Dieu de leur ventre: faut il pourtant conclure que le magistrat doive faire mourir vn gourmant ou yurogne, comme idolatre ? Et voilà les principaux & plus apparens argumens prins de l'Escripture, qu'aient ceux qui veulent qu'on tuë les heretiques. Lesquels arguments estans refutez, tous les autres sont aisés à rembarrer: & j'espereroy avec l'aide de verité de le pouoir faire, mais pour le present je m'en departe, craignant d'estre trop long, & ayant esgard à ton danger & malheur, ô Pais-bas, qui a plus besoing de brief conseil, que de longue dispute. Parquoy, pour conclusion, je di que puis que Dieu n'a cōmandé ni au vieil ni au nouveau Testament de faire mourir les heretiques: & que nous ne detions oster ni adjouster à sa loy & cōmandemens, & que pour ceste cause il punira non seulement ceux qui n'aurōt pas faict ce qu'il a cōmandé, mais aussi ceux qui auront faict ce qu'il n'a pas cōmandé, qu'on ne les doibt point faire mourir; & que au pis aller, le magistrat aura tousiours juste excuse, de ne les auoir faict mourir, disant: Seigneur, tu ne le nous auois point cōmandé. Et au contraire s'il les faict mourir, au mieux aller il pourra tousiours estre repris à bon droict de Dieu, disant: Je ne le vous auoy point cōmandé. Et de faict, si les Princes estoient auisez, quād  
les

les Theologiens les incitent à mettre à mort les heretiques, ils leur diroient: Monstrez nous vne loy diuine qui expressement le cōmande. Et alors tous les Theologiens du monde ne sçauoient que dire. Quand Dieu enseigne Deut. 17. l'office d'un Roy, il cōmande qu'il ait le double de la loy en un liure, & qu'il le retienne & lise tous les jours de sa vie, sans s'en détourner ny à droicte ny à gauche. Pesez y, ô Princes, & ne vous fiez pas tant en vos guides, que vous n'ayez parolles expresses du commandement de Dieu, deuant que mettre la main à l'espée, car vous estes en un tel estat, qu'il vous faudra rendre un grand conte. Et ne faut pas qu'on cherche un eschappatoire, disant qu'au tēps de Moysē Dieu ne fit aucun cōmandement des heretiques, à cause q̄ pour lors il n'y en auoit point. Sur ce je respon que Dieu sçauoit biē l'auenir, & faisoit cōmandement pour le present & pour l'auenir, voire plus pour l'auenir, q̄ pour le present, veu qu'il leur dit qu'il leur baille cōmandemens pour garder, quād ils serōt arriuez en la terre promise. Il n'i auoit au tēps de Moysē nul Roy en Israel: voire Dieu ne vouloit point qu'il en y eust: mais il ne laisse pas pourtāt de leur bail-  
 ler enseignemēt pour le Royauenir, comme nous auōs maintenāt alleguē: autant en di-je des bougres, & gēs qui auroiēt à faire à des bestes, sorciers & enchanteurs, & deuins, & (cōme ci dessus a esté alleguē) faux prophetes & au-

& autres, toutes lesquelles sortes de gens n'estoient pour lors pas entre les Israélites: mais Dieu ne laissa pas pourtant de leur en bailler loy pour l'auenir. Car Dieu est vn Dieu parfait, & donne loy parfaite, & pourtant defend il d'y adjouster ou oster, & ceux qui y ajoutent ou ostent, & font faire conscience aux hommes là ou Dieu ne le fait pas, veulēt estre plus grands & parfaicts que Dieu en son œuvre & commandemens: dont il faudra qu'ils en rendent à la fin vn plus grand conte qu'ils ne cuident.

Je me deportte maintenant de respondre au long, à ceux qui craignans qu'ils ne pourroient autrement persuader aux Princes de faire mourir les heretiques, ont osé escrire que les heretiques pechent contre leur conscience, cōbien qu'ils le nient, estans obstinez jusques à la mort. Car puis que telles gens sont si hardis, que de se mettre en la place de Dieu, c'est à dire de juger des cœurs des hommes sans en voir les œuvres, ains en voyant œuvres cōtraires, comm'ainsi soit que Christ nous ait appris à juger de l'arbre seulement par le fruit: je les laisse au juste juge, qui scaura bien remesurer de la même mesure. Certes si quelcū disoit d'eux, qu'ils ont jetté telle sentence contre leur conscience, combien qu'ils le nient, estans obstinez jusques à la mort; il ne leur feroit rien qu'eux mesmes n'ayent fait à autrui. Et voilà quant au premier

mier poinct, qui est que les Princes peuuent sans pecher, laisser viure les heretiques, voire quād bien ils seroient sous la loy de Moysse, veu que Moysse n'en a fait aucun commandement. Or pensez si sous Moysse mesme, qui a baillé vne loy si seure, il n'est point commandé de faire mourir vn heretique : & si durant tout le temps de la loy, c'est à dire depuis Moysse jusques à Christ, ne se trouue que jamais on ait fait mourir homme pour heresie, que doibt ce donc estre sous Christ : & si il feroit beau voir que la loy, qui doibt finir & finit en Christ, deust or primes sous Christ estre executée, ne l'ayant onque parauāt esté en cest endroit. Car afin, que vous l'entendiez, nous ne sommes pas sous Moysse, mais sous Christ : tellement que quand bien Moysse l'auroit commandé, il ne s'ensuiuroit pas que ceux qui sont sous Christ, la deussent faire pourtant que Moysse l'auroit commandé. Autrement il nous faudroit deuenir Iuifs, & nous faire circoncir, & garder toute la loy. Ceux mesmes qui ont escript liures de persecution, & qui y ont esté si diligens, qu'ils ont cherché depuis la creation du monde jusques à leur temps, tout ce quil a esté possible, sont neantmoins contraincts de cōfesser que nous ne sommes point subjects à la loy de Moysse. Et mesme touchant la loy de faire mourir les idolatres, de laquelle ils s'armēt si fort, ils n'oseroient (ce croy-je bien) encore



Deut. 13.

encore dire que nous y soyons subiects, veu qu'elle commande de massacrer vne ville, en laquelle se trouueroient des Idolatres, elle & son bestial, & tout ce qui y est, au trenchât de l'espée, & amasser tout le butin au milieu de la place de la ville, & mettre à feu & la ville & son butin totalement: & que de ce massacrer là, rien ne s'en agglue à leurs mains. Voilà la loy de punir les idolatres: laquelle si ceux cy veulent suiure és heretiques, je m'en esbahis bien fort, & ose bien dire qu'ils sont bien loing de l'esprit de Christ, veu que celle loy n'espargne ne bestial ny enfans. Et s'ils disent qu'ils en veulent suiure vne partie, & l'autre non: on leur demandera qui leur a baillé priuilege de mipartir vne loy: & si ce n'est pas peloter la loy de Dieu, & s'en jouer, en prenant à leur auantage ce qu'il leur plait, & laissant le reste. Et s'ils disent qu'ils ne veulent pas suiure la loy de Moysé par autorité, (c'est à dire, pourtant que c'est la loy de Moysé) mais par raison: & qu'ils ne veulent pas qu'on face mourir vn heretique, pourtāt que Moysé a commandé qu'on face mourir vn faux Prophete ou idolatre, mais pource qu'il est aussy bien raison de faire mourir vn heretique, qu'un faux Prophete ou idolatre: je leur respondray, que quant à ce qu'ils disent qu'il faut suiure raison, ils ont raison, & nous nous y accordōs. Mais quant à ce qu'ils tiennēt que c'est aussy bien raison de fai-



de faire mourir vn heretique, qu'un faux  
 Prophete ou idolatre: plusieurs gens de raison  
 ne s'y accordent pas. Sur cela ils alleguent  
 leurs raisons, que si: Et les autres, que non.  
 & sur ce different a esté beaucoup disputé,  
 tant par liures que par parolles d'un costé &  
 d'autre. Qu'est il de faire, puis que nous som-  
 mes en different lesquelles raisons sont les  
 meillures? & que estans parties, nous ne  
 pouuons estre les juges? qui en sera le juge?  
 Car il faut ou differer de donner sentence,  
 jusques à tant que le different soit vuidé:  
 ou auoir vn juge suffisant, & qui juge par  
 autorité. De differer sentence, nous nous  
 y accordons; & sur cela alleguons la tres-rai-  
 sonnable loy des credences: mais les perse-  
 cuteurs ne s'y accordent pas. Venons don-  
 ques au juge, & suiuous en cest endroiect par  
 raison l'ordonnance de Dieu, laquelle est au  
 Deuteronomie, là où il commande ainsi: S'il Deut. 17.  
 y a quelque cause trop malaisée à juger pour  
 vous, allez vous en au lieu que le Seigneur  
 vostre Dieu aura esleu, trouuer les Prestres  
 Leuites, & le gouuerneur q pour lors sera, &  
 leur demâdez qu'ils vous vuident la cause, &  
 faites selō qu'ils vous en aurōt arresté, & selō  
 la sentēce qu'ils vous en donnerōt, sans vous  
 en detourner n'à droiēt n'à gauche. Que si  
 quelcū est tāt outrecuidé, qu'il ne veuille obeir  
 au grād Prestre, qui sera là pour seruir au Sei-  
 gneur vostre Dieu, ou au gouuerneur, q lediēt  
 hom.

**Deut. 18.** homme meure, & ostez le mal d'entre les Israélites. *Item un peu apres:* Le Seigneur vostre Dieu vous dressera vn Prophete d'entre vous, de vostre parentage, semblable à moy, lequel vous croirez. *Et un peu apres:* Je leur dresseray vn Prophete d'entre leurs freres, semblable à toy, & mettray mes parolles en sa bouche, qui leur dira tout ce que je luy commanderay. Et s'il y a homme qui n'obeisse à mes parolles qu'il dira en mon nom, j'en feray punicion.

Voila l'ordonnance du Seigneur, touchât les differents difficiles à juger. Or le lieu duquel il parle, lequel il deuoit eslire, ce fust puis apres la cité de Ierusalem, en laquelle il faloit aller trouuer le grād Prestre ou Pontife, pour vuidier les differents qui seroient suruenus. Mais maintenant que nous ne sommes point Israélites selon la chair, ny subjects à la loy de Moysé selon la chair, & n'auons ny Ierusalem, ny Pontife ou grand Prestre selon la chair: il nous faut en nos differens adresser à la Ierusalem celeste & spirituelle, qui est l'Eglise, & au Pontife celeste, qui est Christ, tesmoing l'Epistre aux Hebrieux: & au Prophete, duquel parle Moysé, qui est le mesme Christ, tesmoing Sainct Estienne: & en faire sur peine de l'indignation de Dieu, ce qu'il en determinera. Et pourtant que Christ personnellement n'est plus en terre (car s'il y estoit, il le faudroit aller trouuer, & que nous

som-

sommes en vn temps de famine de la parolle de Dieu, c'est à dire, de Prophetes & oracles (car s'il s'en trouuoit, il n'y faudroit qu'aller, & le differêt seroit vuidé) je ne trouue moyē aucun de sçauoir sa sentence, sinon ou par sa parolle escripte, ou par exemple de sa vie, ou par la nature de son esprit habitant es siens, ou par nouuelle reuelation. Quant à sa parolle escripte, elle ne dict point qu'on doieue faire mourir vn heretique. Bien dict elle en general, que si quelcun peche (ce qui s'entend autant d'un heretique, que d'un autre) il doieue estre admonesté legitiment par plusieurs fois, & finalement s'il ne s'amende, excommunié: lequel office appartient à l'Eglise, & non au Magistrat. Et particulierement dict elle bien qu'un heretique apres auoir esté admonesté vne fois ou deux, doieue estre euité: Mais de le faire mourir, elle n'en dict rien. Or est ce que Moyse dict, que ledict Prophete (qui est Christ, cōme cy dessus a esté allegué) dira tout ce que Dieu luy aura commandé: & toutes-fois Christ ne dict poinct qu'on doieue faire mourir les heretiques: dunque Dieu ne le luy a pas commandé, pour le moins nous n'en trouuons rien en l'Escripture, à laquelle si nous ne nous tenōs & croyons, je croy bien que nous ne croirions pas à luy mesme, quād il parleroit à nous en propre personne: cōme dict Abraham au riche, que si ses freres ne croient à Moyse & aux Prophetes, c'est à dire

à leurs Escriptures, ils ne croyroient pas mesme à vn resuscité. Quant à la vie de Christ, nous la voiōs auoir esté tant debōnaire, q̄ d'y chercher exēple pour faire mourir par glaïue vn heretique, ce seroit tout ainsi q̄ de chercher en vn agneau exēple pour māger vn loup. Quāt à son esprit qui habite es siens, ils sont tels qu'ils suinēt l'agneau par tout où il va, & ont apprins de luy, qui est debonnaire & humble de cœur. Que si quelcun n'a cest esprit, qu'il se nomme Chrestien tant qu'il voudra, il est aussy loing de Christ, que les tenebres sont loing de la lumiere. Et de vray, les p̄secuteurs mesmes ne trouuans au nouueau Testament que toute douceur, qui est contraire à leur persecution, sont contraincts d'auoir leur recours au vieil Testament: en quoy ils monstrent bien, qu'ils ne sçauent de quel esprit ils sont, & n'ont point l'esprit de la nouuelle alliance. Quant à nouuelle reuelaciō, ceux mesmes qui enseignent à persecuter les heretiques, ne se vantent point de l'auoir: & quand ils s'en vanteroyent, il y faudroit penser plus d'vne fois, deuant qu'y croire, veu qu'elle seroit contraire à la perfection de la loy tant de Moyse que de Christ. Parquoy, pour conclusion, puis que ne Moyse, ne Christ, n'ōt commandé de faire mourir vn heretique, je di que le magistrat peut en bonne cōscience, & sans offenser Dieu, le laisser viure; & dire ainsi aux Theologiēs qui l'y poussent: Montrez nous la loy

la loy par laquelle il nous soit commandé de Dieu: & nous le ferons. Or icy faut noter vn poinct qui a esté touché en la loy cy dessus alleguée: c'est q̄ qui n'obeira au dict Pontife, soit mis à mort, selon la dicte loy. Or est-ce q̄ les paillars, noiseurs, yutognes, & autres telles gēs, qui ont ouy la doctrine de Christ, & perseuerēt neantmoins en leurs œuures de tenebres, desobeissent à Christ, dont il s'ensuit par ladite loy qu'ils doiuent estre mis à mort. Que si quelcū replique q̄ ladite loy parle seulement de ceux qui luy desobeirōt en matiere de differēt, qu'ils pourroient auoir les vns cōtre les autres, je luy respōdray q̄ si pour vne desobeissance en matiere d'un differēt, vn hōme doit mourir: beaucoup plus pour vne desobeissance en chose plus grāde. Mais posons le cas q̄ la loy parle seulement des differēs, il s'ensuiura pour le moins, q̄ qui hait son frere, & ne luy pardōne, & ne l'ayme, & qui n'appointe avec son aduersaire, tandis qu'il est en chemin, c'est à dire deuant que venir au iugement de Dieu, doie mourir selon icelle loy. Il s'ensuiura donc que tous ceux qui font tort à autrui, & pourtant sont en different avec autrui, & ne veulent appointer avec autrui, selon la doctrine du grand Prestre Christ, doiuent estre mis à mort. il s'ensuiura que quiconque ne voudra appointer avec Dieu, (lequel appointement ne se peut faire, si l'hōme ne renōce aux œuures de la chair) doie estre mis à mort,

& par consequent il s'ensuiura que tous ceux qui vivent selon la chair, doiuent estre mis à mort. Et toutes fois il n'y a celuy qui ne confesse bié qu'on ne peut faire mourir vn hōme pour auarice, ou yurognerie, ou ambition, ou noīse, & tels autres pechez: & neantmoins en tels pechez on desobeit au grand Prestre Christ. Parquoy il s'ensuit q̄ la mort de laquelle mourront tels desobeïssans, doit estre autre q̄ corporelle, c'est à dire doit estre mort spirituelle: tout ainsi que Christ n'est pas Pontife corporel, mais spirituel. Tellemēt que cōbien qu'un hōme refuse Christ tout plattemēt, & desobeïsse à sa parolle (cōme font toutes gēs de mauuaise vie, lesquels le cōfessans de bouche, le renient par œuures, lesquelles œuures sont manifestes, & n'ōt q̄ faire de tesmoings) neantmoins il ne doit point estre mis à mort par le Magistrat (j'excepte cas pendables en matieres ciuiles) ains est reserué à la mort eternelle. Et de telle mort & punicion parloit Christ, quād en enuoīāt ses disciples prescher, il leur disoit: Que qui ne les receuroit, seroit plus durement traité au jour du jugement, que ceux de Sodome & Gomorre. Or notons bié ce poinct: car il est de grandissime importāce, & en luy gist le neud de la question, & pleust à Dieu que je le peusse descrire d'une telle encre, q̄ chacun l'imprimast bié en son cœur, nostre different seroit incontinent vuidé. Notons, di-je, que combien qu'un homme ne reçoī-



reçoie point Christ, & ne veuille estre Chrestien (cōme de faict ne le veulent estre tous ceux qui ne veulent renoncer à eux mesmes, & crucifier leur chair avec ses conuoitises). neantmoins il ne peut pour cela estre mis à mort par le Magistrat. Que si vn auaricieux, vn glorieux, vn gourmand ou yurogne, qui de fait & par toute sa vie & œuures renonce Christ, neantmoins ne peut (s'il n'a commis crime civil) estre mis à mort par le Magistrat, je di que ni vn heretique aussy, car au pis aller, il n'a que renoncé à Christ, de fait & œuures: Que si on me replique qu'un auaricieux ou yurogne, ou glorieux, au moins cōfesse Christ de bouche, je pourray bien respondre q' aussy fait vn heretique, mais ne l'un ny l'autre n'en vaut que pis, car en cela il est feintif & hypocrite, & vaudroit mieux que puis que de faict il renōce Christ, il le renonçast aussy de bouche, pour le moins il ne seroit point hypocrite, & ne seduiroit nulluy par son faux semblât. Parquoy, pour conclusion, je dy qu'un heretique ne doit non plus estre mis à mort, qu'un auaricieux, ou yurogne, ou glorieux.

Le vien maintenant à parler des inconueniens qui pourroiet, ce semble suruenir, si on laissoit viure les heretiques: lesquels inconueniens pourroient estre deux. Le premier, est troubles & sedicions: le secōd, fausse doctrine que les heretiques pourroiet semer. Sur quoy je respon: premieremēt, quant aux sedicions,

Des inconueniens.



que les fols causēt le mal qu'ils cuidēt euitier. Car les sediciōs viennēt plustost de ce qu'on veut forcer & tuēr les heretiques, que de les laisser viure sans les contraindre, car tyrannie engendre sedicion. Et qu'ainsi soit, il n'est ja behoing pour le present d'alleguer exemples vieux & loingtains, veu que tu en portes aujourd'hui l'exemple plus qu'euident dans ton giron, ô Pais-bas. Car il est certain que la sedition intestine & dissension qui te torture, est venuë de ce qu'on a tyrannisé & persecuté ceux qu'on tient pour heretiques. Que si on ne les eust tyrannisez, peut estre qu'ils ne se fussent pas reuoltez : ou si au pis aller ils se fussent reuoltez, il ne te fust pas auenu pis qu'il est auenu : & alors les Princes eussent eu plus juste cause de repousser force par force, non à cause de la Religion, mais de la sedition : & Dieu qui donne victoire à qui il luy plaist, leur eust plus fauorisé qu'il ne fait : la ou maintenant ils sont en danger d'estre en sa male grace. Je me ray qu'il vaudroit mieux estre en danger de sedicion auenir, que vser de tyrannie presente : d'autant que tyrannie est vn mal plus grand & certain, & present, qui tue & l'ame du tyran, & les corps, & quelque fois les ames aussi des tyrannisez : comme ainsi soit que sedicion soit vn mal qui possible n'aduiendra pas : & s'il aduient, pourra estre repoussé, ou au pis aller, ne nuira qu'aux corps.

Quant

Quant à la fausse doctrine que pour-  
royent semer les heretiques, je confesse  
bien que c'est vn inconuenient, auquel  
il seroyt bon de remedier. Mais il faut  
(comme je vien de dire, touchant le poinct  
de sedicion) auiser que le remede ne soit  
pire & plus dommageable au patient, que  
le mal auquel on veut remedier. Or est-  
ce que le remede duquel on vse, c'est à  
sçauoir de tyranniser & meurtrir les here-  
tiques, est beaucoup pire & plus nuisant,  
que la maladie. Car premierement on  
ne faict que les agacer & eschauffer, telle-  
ment qu'ils sont plus zeus à enseigner,  
qu'ils ne seroient autrement. D'auantage,  
quand le monde les voit si constans es mar-  
tyres, il vient à croire qu'ils soyent gens  
de bien, dont plusieurs se mettent de  
leur partie, tellement que pour vn vous  
en faites quelque fois sept. Et voila l'is-  
sue de vostre folle sagesse. D'auantage,  
il aduient le plus souuent qu'au lieu de  
persecuter vn heretique, on persecute par  
erreur vn Chrestien. Ce que Christ a  
bien predict, quand il dist à ses disciples,  
que quiconque les feroit mourir, cuideroit  
faire seruice à Dieu. Cela voyons nous  
estre tousiours auenu depuis le temps de  
Christ jusques au nostre. Car premiere-  
ment Christ & ses Apostres & disciples furēt  
persecutez & meurtris comme heretiques :

puis apres aux martyrs en fut fait autant . Et depuis s'il y a eu quelques simples & vrais Chrestiens, ils ont esté tousiours persecutez cōme heretiques. Et en nostre tēps, nous qui auons paré & orné les sepulcres des martyrs occis par nos peres, je crain fort que n'ayons ensuiui nos peres, & fait des nonueaux martyrs, qui seront honorez de nos enfans. Car le plus souuēt la verité est publiquemēt plustost passée que cogneuë: Et nous ne sommes non plus heureux, ne mieux voyās en cest endroit, qu'ont esté nos ancestres. Tellement que s'ils ont failli en cest endroit (ce que nous sommes contraincts de confesser) nous nous deuons garder de tomber en leur folie & aueuglissement. Or est ce mal si grād, que qui ne craint d'y tomber, mōstre biē qu'il est vn grand fol, puis qu'il mesprise ainsi le sage auertissement de Christ. Et de tels fols parle le sage Salomō, quād il dit: Le sage craint, & se recule du mal: mais le fol tire auant hardimēt. Vn sage hōme choisit tousiours de deux maux le moindre, s'il ne les peut euter tous deux. Vn sage Medecin aime mieux laisser la maladie, q̄ de tuer le malade. Vn sage laboureur aime mieux laisser croistre les mauuaises herbes avec le blé, q̄ de en arrachāt les mauuaises herbes, arracher le blé quant & quant. Iesus Christ, qui est le sage Medecin & laboureur, le voyoit bien en la parabole des Zizanies, c'est à dire mauuaises herbes . Car soit que en icelle parabole il

parle

Pio. 4.

parle des heretiques, soit que non (ce que je di  
 à cause qu'on en debat) tant y a que le cas est  
 semblable : & quand bien Christ n'en auroit  
 point parlé, vn qui en parleroit en ceste sorte,  
 ne diroit q̄ la verité : c'est que cōme si vn la-  
 boureur faisoit vne ordonnance à ses serui-  
 teurs, qu'ils deussent arracher les mauuaises  
 herbes de parmi le blé, il feroit solemēt (com-  
 bien q̄ les mauuaises herbes nuisent, & seroit  
 à souhaiter qu'elles fussent arrachées) & seroit  
 cause d'arracher le bō blé: ainsi vn Theologiē  
 qui fait vne ordonnance, qu'on doie faire  
 mourir les heretiques, fait solemēt (combien  
 que les heretiques nuisent, & seroit à souhai-  
 ter, qu'ils fussent ostez) & est cause de faire  
 mourir les Chrestiens. L'experience (cōme  
 cy dessus a esté allegué) en est plus que mani-  
 feste, & j'en prens à telmoings ceux mesmes,  
 qui ont escript les liures qu'on doie faire  
 mourir les heretiques, lesquels se tenans pour  
 Chrestiens, cōfessent qu'ils sont persecutez &  
 meurtris cōme heretiques: ce qui n'auiedroit,  
 si selon la susdite parabole on craignoit d'ar-  
 racher le blé avec la zizanie. Brief, cōme ainsi  
 soit, q̄ la Chrestienté soit aujourd'hui pleine  
 de tant de sectes, qu'il faudroit estre biē sçauāt  
 pour les sçauoir nōbrer: desquelles sectes chā-  
 cune se tient pour Chrestienne, & les autres  
 pour heretiques: si nous receuons la loy de  
 persecution d'heretiques, nous receuons vne  
 guerre Madianitique, & ne ferons que nous

ronger & manger les vns les autres, jusques à tant, que (comme dit S. Paul) nous nous consumions les vns les autres, qui est vn inconuenient sans cōparaison plus grand que l'autre. Sur ce poinct quelcun me dira: Veux tu dōc que lon laisse faire & dire aux heretiques tout ce qu'il leur plaira, sans leur faire aucune resistance? Nenni certainement, je ne le veux pas: mais mon intention est, qu'on leur resiste par bon & conuenable moyen: & cōme leur ont autrefois resisté les sages & gés de Dieu. Car je vous demande, comment resista Iesu Christ aux Pharisiens & Sadduciens? & les Apostres, comment resisterent ils à Simon Magicien, & à Barjesus & autres? ne fut-ce pas par parolles diuines & vertueuses, sans mettre la main à l'espée, & sans y inciter personne publique ne particuliere? Car ils estoient sages gendarmes, qui sçauoient mener la guerre spirituelle par armes spirituelles. Donc ceux qui font autremēt, c'est à dire, qui vsent de violence, monstrent bien qu'ils ne sont pas leurs imitateurs.

Les moy-  
ens de re-  
sister aux  
heretiques

Dōques le moyen seroit de cōbatre cōtre les heretiques par parolle de verité, laquelle est tousiours plus puissante q̄ parolle de mensonge. Que si estans conuaincus par verité, & par plusieurs fois legitimemēt amonestez, ils demeurent neantmoins en leur opiniastrise, qu'on les excōmunie. Voila la droite punición des heretiques. Que si estans excōmuniez, ils ne ces-

ne cessent pourtāt pas d'enseigner, qu' on defende au peuple de les escouter. Et si quelcun les escoute neantmoins, qu'il soit luy-mesme amonesté, & à la fin s'il perseuere, tenu pour desobeissant. Voila cōment on peut cōtregar der l'Eglise contre les heretiques. Et qu'ainsi soit, nous voyōs que outre ce q̄ les Apostres jadis cōtregarderent ainsi la leur, mesmes aujourd'hui en Allemagne ceux qu'on appelle Anabaptistes (lesquels sont en des erreurs biē grāds) entretiennēt neātmoins leur Eglise par tel moyē, sans aide quelcōque de magistrat ou glaiue, tellemēt q̄ tous les pl<sup>9</sup> sçauās Theologies ne peuuēt diuertir leur peuple. Que si eux estās en erreur, maintiennēt neātmoins leur Eglise par la seule parolle cōtre to<sup>9</sup> Docteurs, combien plus pourroient les vrais Docteurs (armez de la tout puissante parolle de Christ, qui leur a promis bouche & sagesse à laquelle nul ne pourra resister) maintenir la vraie Eglise contre toute fausse doctrine? Que si puis apres les heretiques viennēt à vser de force, & émouuoir sediciō, alors les Princes & Magistrats ferōt leur deuoir de maintenir par armes leurs subjects, desquels pour ceste cause ils reçoient tributs & gabelles. Le Turc maintiēt biē les Chrestiens & Iuifs ses subjects cōtre la violēce q̄ leur pourroit estre faite: & le maintiēt nō à cause de leur religiō, laquelle il a en dedaing, mais à cause qu'ils sont ses subjects. Le mesme font les Princes Chrestiens aux Iuifs.

Ainsi



Ainsi pourront ils maintenir leurs subjects  
 quels qu'ils soyent, cōtre toute violence qui  
 leur pourroit estre faite. Voila les droiēts  
 moiens de resister aux heretiques par parolle,  
 s'ils n'vſent que de parolle: & par glaive, s'ils  
 vſent de glaive. Que si par erreur il auenoit  
 (cōme bien souuēt il auient) qu'un qui ne se-  
 roit pas heretique, vint à estre excommunié  
 cōme heretique, cest inconueniēt seroit beau-  
 coup moins dōmageable, que si par le mesme  
 erreur on le faisoit mourir. Car excōmunica-  
 tiō injuste ne fait q̄ nuire au corps, voire quelq̄  
 fois ne luy nuit point, & peut biē estre reuo-  
 quée: mais la mort est vn mal irremediable.

Somme.

Donques pour venir au poinct, & mettre  
 fin à mon propos, j'ay mōstré que la cause de  
 tō mal, ô Pais-bas, est forcemēt de cōsciences,  
 & que les remedes qu'on y cherche tant d'un  
 costé que d'autre, sont faux, & ce pour engre-  
 ger, non pour guarir la maladie, joint qu'ils  
 sont cōtre Dieu & raison, sans cōmandement  
 de Dieu, sans exemple autentique, procedans  
 seulement d'une bonne intencion, conjointe  
 avec ignorance de verité, & desplaisante à  
 Dieu. J'ay monstré d'auantage, q̄ la cōscience  
 que font les Princes, poussez par leurs enseig-  
 neurs, de laisser viure les heretiques, n'est pas  
 selō Dieu, & qu'ils peuuēt en bōne consciēce  
 & sans peché les laisser viure: & outre-ce, que  
 cela apporte sans cōparaison beaucoup moins  
 d'incōueniēt & dōmage, q̄ de faire autremēt.

Par-

Parquoy tout bien considéré & examiné, le conseil que je te donne, ô Pais-bas, est le mesme qui passé seize ou dixsept ans a esté donné à la France par le liuret que cy-dessus j'ay allegué: & lequel si elle eust alors suiuy (cōme elle a esté cōtrainte de le suiure apres) elle eust euité la mort chetive de maints milliers de ses enfans, laquelle luy auoit sagemēt esté predite par ledit liuret: c'est que tu cesses de forcer les consciences, & de persecuter, (je me tay de tuer) vn homme pour sa foy: ains permettez qu'en toy, ô Pais-bas, il soit loisible à ceux qui croient en Christ, & reçoient le vieil & nouveau Testament, de seruir Dieu selon la foy non d'autrui: mais la leur. Que si tu fais ainsi, il y a esperance que le Dieu de misericorde aura pitié de toy, & trouueras qu'autant que par-cy-deuant faux conseil & faux remede t'a esté dommageable, autant reuera deormais vray conseil & vray remede profitable.

Et pourtant que bon conseil ne sert de rien au peuple, si ses gouuerneurs ne s'y accordēt, & que les gouuerneurs ne s'y peuuent accorder tandis qu'ils sont mal enseignez par ceux desquels ils suiuent la doctrine: je vous conseille, ô Prescheurs & enseigneurs, tant d'une part que d'autre, que vous y pensiez meurement, & ayez souuenance du dire de l'Enseigneur Celeste, qui dit: Bien-heureux sont les pacifiques: car ils seront appelez enfans de

Conclu-  
sion du  
conseil.

Aduertisse-  
ment aux  
prescheurs

Dieu.

Dieu. Dont on peut bien entendre par le contraire, que malheureux sont les boutefeus, qui aiment & allument la guerre: car ils serōt appellez enfans du diable. Ne pensez pas que ce soit petit éclandre & peché, que d'inciter les Princes & peuples à guerre. Pensez au dire du Prophete Ieremie, qui appelle les Prophetes meurtriers, pour auoir mal enseigné le peuple. Les Rois de la terre (dit-il) ne tous les habitans du monde, n'eussent pas creu que les aduersaires & ennemis deussent entrer par les portes de Ierusalem, à cause des forfaicts de ses Prophetes, & des fautes de ses Prestres, qui ont parmi elle espendu le sang des innocens: allans ça & là tous aueugles parmi les rues, tellement veautrez en sang, qu'on n'eust sceu toucher leurs habillemens. Retirez vous, souillez, (ce leur crioyent ils) retirez vous, retirez vous, n'y touchez point. Voila comment ils alloient tençans ça & là, disans qu'ils ne demeureroient desormais plus en Pais estrange. Voila les parolles de Ieremie, par lesquelles il appelle manifestement aueugles & meurtriers du peuple innocent, & veautrez en sang, les Prophetes & Prestres qui auoiēt non pas tué de leur propres mains les innocens, mais seulement par leur fausse doctrine esté cause de leur mort. Car ils auoient enseigné le peuple qu'il ne deust craindre les Babyloñiens: & que Dieu le garderoit de leur tyrannie & subjection. Dont  
le peu-

le peuple s'y fiant, s'estoit rebellé contre les Babylonien, de laquelle rebellion estant offensé le Roy de Babylone, auoit assiégué & prins, & ainsi misérablement traicté & meurtri le peuple. De celle tuërie, dy-je, Ieremie accuse les Prophetes & Prestres, à cause que par leur fausse doctrine ils en auoient esté cause. Or considerez combien plus aujourd'hui serôt au País bas à bon droit appelez meurtriers, les prescheurs & enseignants qui si non expressement, à tout le moins couuertement incitent le peuple aux armes: je metay de ceux qui presentent d'y mettre eux mesmes les mains, & se trouuer les fin premiers au choc. Je ne parle pas de tous: car tous ne sont pas tels. Je parle des Ananies, qui en rendront conte, & desquels pleust à Dieu que le nombre ne fust pas plus grand que des Ieremies: & qu'ils n'eussent pas plus de credit vers le peuple & les Princes.

Semblablement vous, ô Princes & Capitaines, soyez sages, & suiuez plustost la doctrine des pacifiques, que des autres, de peur que si vous, estans aueugles, suiuiés des aueugles, vous ne tombiez avec vos guides en la fosse de perdition, de laquelle ne vous pourront retirer ceux qui vous y auront fait trébucher.

Et vous gens priuez, qui n'estes n'enseignes ny seigneurs, ne soyez pas si prompts à suivre ceux qui vous poussent à mettre la

Aux Prin-  
ces.

Au Peu-  
ple.

main

vous conduisent, vous seduisent, & vous font  
 faire des coups, desquels il faudra voirement  
 qu'ils rendent conte pour vous, mais vous  
 n'en serez pas pourtant quites. Car & celuy  
 qui donne mauuais conseil, & celuy qui le  
 fuit, serôt tous deux punis. Le Seigneur vous  
 doint à tous la grace de reuenir en vostre bon  
 sens plustost tard que jamais. Ce que s'il se  
 faict, j'en loueray le Seigneur: s'il ne se faict,  
 pour le moins j'auray faict mon deuoir: &  
 espere que au moins quelcun particulier ap-  
 prendra quelque chose, & cognoistra que j'ay  
 dit verité: qui sera cause, quand bien il  
 n'en y auroit qu'un, que je n'auray  
 pas du tout perdu ma peine.

F I N.



### Fautes à corriger.

Le premier nombre denote le fueillet, & le  
 second la line du fueillet.

Pour	Fol.	lisez	line
<i>pour le faire croire</i>	5.	<i>pour le te faire croire</i>	7
<i>cela faictes vous</i>	15.	<i>cela faisiez vous.</i>	29
<i>pour le bastir</i>	21.	<i>pour la bastir</i>	14
<i>Ce pour</i>	22.	<i>est-ce prou.</i>	21
<i>Est tout</i>	46.	<i>est tout</i>	14
<i>je confesseray</i>	54.	<i>je confesseroy</i>	27